

東洲艸堂詩鈔



02292

東洲艸堂詩鈔卷十

道州

何紹基

子貞

入黔省界中丞丈遣吏來迎意當有家書先至黔卻寄
來此乃不可得作詩寄子愚弟

甲辰

母言兒弟善承歡兒念

君恩強自寬六十日同經歲別七千里盼一書難思親淚滴谿
流熱作客心吞月氣寒山館燈花聊慰藉連宵歸寢話團圓

玉屏山

黔樹茫茫到眼青奇山多少未成形疏煙淡雨玲瓏月透盡秋
光是玉屏

禾根歎

分秧插水青戢戢先長禾根後生粒秋風滿野穀上倉禾根割
東洲艸堂詩鈔卷十

置枯猶立低田漬雨高田乾日中焦摧雨中泣歲晚淤田還用
汝火雜泥掀和糞汁

鳳仙花

碧梧修竹野人家曉露晴餘晚有霞到眼秋容明似錦半山多
是鳳仙花

青龍洞

在鎮遠北箱子巖

蜿蜒十里兩山分山鳥徐歌澗艸芬浩露紛飛真似雨炎曦隔
斷不因雲巖閒樹動作龍氣洞口霞明懸水紋想見千年抱珠
睡無冬無夏總氤氳

文德關

鎮遠

山形堆笠亂無數山腳有屋腰有路舟輿不到負戴通服買耕
田自來去山荒水涇天所艱置郡立鎮兼設關文德武功

天子聖傳車星電不曾閒

羣兒樂

四人肩一輿翼傳兩長綆黔兒十二人羣曳防崇嶺巖鬼獸
蹲習見忘其懷戒諱若銜枚進銳不迴頸雖殊莊與嬉合作亦
何猛一夫偶失勢眾力無由騁夷途暫徐行競掬巖泉飲羣見
樂可知得錢乃官廩家有母若翁歸可奉肴餽念我輿中人北
堂阻天永

過文德關苔藕船用昌黎衡嶽廟韵

快晴連日由天公行人出入蒼翠中看山得此信奇福獎州西
去知尤雄曉煙送我郡郭外目未及騁心先窮層峯斗起徑到
面十里直上如乘風鳥飛不過猿渡絕雙巖夾峙關門通巖閒
遁雨十日伏驕陽搜出雲騰空當關一覽失決潏萬里積滓皆

東洲艸堂詩鈔卷十

一

消融眼中自亂如米足底闔鞞聲應宮秋容爲我爛寫盡開
徧野花藍白紅敲詩敢信有奇識藕船詩以余黔南山色造物
或者憐愚衷與君先後待香案東華人直相鞠躬誰開之句爲有先兆

太和晨啟秋正好想見此日祥雲同渡河以來正農穫楚山黔
山相始終所願淡秋徧開霽大田萬寶收成功黔中文事近已
洽士氣振發開朦朧人關來賦日五色豈徒候尉齊西東

紅豆

秋來紅豆實離離折向淡山帶露垂風雨懷人江海徧一枝何
處寄相思

垂蕤雞冠

無復高冠紅映日垂蕤止合逐雌棲秋風折盡英雄氣枉費才
情詠鬪雞

闌干

清谿行館在縣署之右依山有闌干戲爲絕句

我愛闌干地依山抱石臺分明宰官意不許吏人來
我愛闌干架橫平似水流量來三四丈曲折不勝秋
闌干不用染白木逗清堅秋光宜界畫紅綠總天然
闌干不用照卍字本同心明月來相印同心卍字深
我愛闌干裏流螢照寂寥倚闌人不見清露上芭蕉
我愛闌干外高鐙旅思清山城關不住十里夜灘聲
我愛闌干上雲行月也來止因有人在到此重徘徊
我愛闌干下青苔逐步移展痕回宿潤晴意艸蟲知

闌干

前作乃清谿縣署闌干耳推廣之復得數絕句

東洲艸堂詩鈔卷十

三

山露秋如滴天風夜不寒高歌誰解聽和月拍闌干
學畫琅玕竹橫斜不耐看琅玕本難畫先學畫闌干
平生性嬾漫使氣還遭罵何不學闌干直方偏善下
區區幾弓地分作三三徑有人曳杖來闌干俛相應
闌干經雨損連日得晴妍誰把闌干補黃花老少年
闌鶴不闌雲留月不畱雨我欲問闌干闌干不能語
長日行行影深秋步步苔闌干靜如畫不必有人來
闌干知人心扣扣生痕迹木石作闌干闌干非木石

羣石

山坡聚羣石貌古意多殘常受水雲澤仰知天地寬升高竟無
路就下亦知難終古側斜立置身何日安

飛雲巖

垂天之雲向空布來爲人閒沛甘澍功成氣猛不自收太古陰
風莽吹沍雲欲上天天謂頑太虛縹緲無由還雲欲迴山斷根
絡壑祕巖扃無住著忙雲失勢化閒雲雲自無心不悔錯幻爲
百千萬億雲雲一氣相合分一雲乍起一雲落一雲向前一
雲卻一雲奮舞一雲嬾一雲歡喜一雲愕大雲睚眦母覆子小
雲香戢魚吹水醜雲惡縮妍雲笑癡雲疑立靈雲詭睡雲頽散
欲著床淡雲散渙偏成綺三雲四雲相頽頽十雲百雲不亂行
如神如鬼如將相如屋如塔如橋梁如龜蛇螫虎兕吼鸞鳳翔
猱虬龍糾世閒人我與眾生雲無不無無不有雲來東北乾坎
門性不耐寒思就溫軒軒欲向東南奔乘巽煦離翕以坤一雲
來翔眾雲萃上不就天下無地若離若狎若覲覲不疾不徐偏
不墜百千萬億空中懸飢飽病健相牽連健雲扶攜病雲走飽

東洲艸堂詩鈔卷十

四

雲汗出飢流涎涎垂汗注霏珠玉人來雲下人雲瀾橫奔疾走
雲尙在仰自摩頭俛捫足人共雲行兩不知千百人載雲半腹
叢叢萬松插雲顛如齧蠶鼻戴堅天風時來松亂颭雲凝不
動松影圓白龍同雲自天下雲不飛回龍亦罷瀑泉直飛龍所
化電激虹伸越雲跨龍則有智雲無情雲自寂然龍怒鳴雲雖
大拙乃勝巧龍亦無術升天行雲罅孤亭嵌巖巖危葉在樹風
可脫亭中呼酒人看雲酒動人亭雲竝活老僧逢人說慈悲謂
千萬億雲卽佛雲不見佛佛愛雲雲佛佛雲有伸屈我躡雲趾
坐立眼登顛看松脅聽泉泉下灌田松照天雲閒無事幾千年
不嫌礙笠又妨屐試與摩娑生潤澤扣之有聲出自魄非木非
金色蒼白我行十里方出雲且蘭早秋天正碧寄語看詩讀記
人我所道雲都是石

香花藤 在飛雲巖下

來看紫藤紫直緣蒼柏蒼山風萬藥發佛界一天香葉聚淡秋
露根舍太古霜雲飛兼灤瀉讓汝獨龍翔

黃平州行館見菊與藕船小飲是夜涼甚相傳州舊城
地平多煥新城地高多寒理或然耳秋節亦當冷矣

飛雲巖上題詩處半日回頭紫翠開天到且蘭風易冷人逢荒
菊酒難刪殘磚賸拾宜孃壘寶月長懸古佛山我欲徧將吟屐
印傳車明發去開關

秋海棠

不解海棠意秋花嬌過春山淡風露冷燒燭更何人

藕船連日少作詩戲贈

淡入黔山裏天公意匠廉盡排千岫直不放一峯尖畫闕憑誰

東洲艸堂詩鈔卷十

五

解杯遲任客嫌從來題記重鏤管未輕拈

兒落樹

行人驚落樹閒兒兒悔貪多下樹遲靜夜老猿偷熟果露珠不
動月橫枝

重安驛

來時見鳳山去時見鳳山憑闌忽不見身在鳳山閒

挖狃

挖狃新居徧莊唐舊迹遙兒嫌盤髻重女愛打牙嬌羅甸同
文教星墩護使軺行閒鐵甲士多是紫薑苗苗民從戎多是
紫薑苗一種

雲谿洞在清平縣北十五里卽大風洞

茲山混沌初胎孕十尋玉暗泉九地來神髓浸潤足化工妬奇
珍奪玉出自腹山公不敢愛委此一大璞泉源失所護出山灌

禾菽餘氣山顛浮滋漑閒艸木念玉如念兒去雲如去肉至今
泉流聲洶涌怒猶蓄樓觀歲月遠洞穴煙雨伏終古長眈眈臍
乳耳鼻目

白泥塘

吾鄉白泥塘戊子春與五弟南歸騎牛釣魚處也驛汎
有此塘名口占一絕

無端棖觸故園思何日回家更息機細雨白泥塘上路騎牛出
去釣魚歸

牟珠洞 貴定

有橫有斜多是直有眠有行多是立有樓有梁多似塔亦龍亦
象多似佛俛擲如筆仰轟筍瓔珞鐙槃費雕刻中閒一柱十尋
聳實實虛虛萬穴孔光明堅固不壞身獨擎一山靈氣重山顛

東洲艸堂詩鈔卷十

六

古柏幹鉅圓高不一丈壽萬年夜爲老翁逢客言補天尙記媧
皇年千山化水水化氣此山不化鍊更堅雷霆丁甲萬鑪韞臙
腑融液中心懸天公坐慙穿洞去萬劫茫茫山棄捐其殉有化
有不化流液復結離復連媧皇女子不了事黔蜀於今多漏天

響琴峽 平越州

聽琴想見幽人在萬仞山頭大月中清露一天猿鶴靜元音萬
古水雲空星飛上界寒疑雪石裂虛巖暗有風旭日東升人事
起浪浪餘響射奔洪

龍里行館夜雨枕上作計晴將十日矣

貴陽煙樹近暫可息登臨走馬千山影聞雞五夜心晴餘涼有
味秋老瘳俱淡忽聽瀟瀟雨聊爲擁被吟

布鋪地

肩輿多坐少立行足偶落地輕且清氈絨鋪地時亦有促令徹
去生光明黔南郡縣風尚異行館多將布鋪地澆屋三閒布百
尋徧與磚平露光膩豈惟不見土亦使不見木土木有何幸常
免鞞泥辱山行十日九日雨兩足裹泥重於杵更兼孽碩愛山
行鞞鼻磨平底將腐升階入堂慚又憐不敢行立思坐眠

殿上曾依方鞞簞

殿上考試坐
鞞簞有革面

山中猶賸舊青氈青氈鞞簞承

先武砥礪儒臣有根矩今日叨乘使者車能無動念生民苦猶
憶吾邦沂澧鄉罕將機織濫鋪張城中多向椽毯滑野館更喜
松枝香此布鋪殘有誰惜機女辛勤銖寸積黔中布價今幾何
四十青銅錢一尺

三班夫

王程雖迫無疾驅考官向給三班夫一班折價兩班在八人分

東洲艸堂詩鈔卷十

七

昇登前途中閒免脫又逸去五里換班仍缺數雖殊一足夔可
隣嗟同三耦公不具息肩傷趾多趨起甚雨酷熱徒歛歛後來
冑吏去如電二十名夫舉一與古者先王謹疆域六轡皇華馳
四國於今

皇化恢幅員萬里邊山若門闕文臣策馬艱迢征崎嶇惟恃肩
輿行兵曹例載七品職馬有九匹夫無名

免海菜

輕若銀絲圓比靨官燕能將八珍壓明翅醅醅釀桂花穉參片
片飛胡虺海錯雖貴其臭腥脂膏仍乞他物靈炎天雨露厚滋
味不獨損神兼損形駢征計日疾如駛南北供具都相似主人
敬客苦難卻使者靜思眞過侈況兼重累朝夕餐雙箸未下脰
先攢白飯兩盂須果腹青蔬一味促登盤物力可惜身可愛此

後先傳免海菜客路精神畏簡書秀才風味畱吾輩竭來使館
清有餘日日食單皆自書苦瓜香薤連朝見上品無過金鯽魚

寄家書

艸艸還家癯不淡家書望斷碧雲沈止應多寫還家信閒話更
端慰母心

桂花香裏平安字計到家時菊酒濃老母開顏應一笑兒書兩
月十三封

賀耦耕中丞丈得子愚弟六月廿八日書有家中平安
語遣人持示典試例不得通家書也且慰且悵

萬水千山少鴈聲平安傳語未分明高堂白髮行人淚一例關
防似不情

中丞丈人見示陽明先生遺像敬賦書後

東洲艸堂詩鈔卷十

八

我行龍標越龍谿龍場更在龍谿西陽明洞天寢早到日星萬
古開荒迷我行黃平月潭寺千仞懸厓讀碑記螭蟠猱攫鵬鵠

翔碑記

想見看雲此游憩中丞丈人政學兼遺像示我虔拜瞻

英風道氣見溫肅鶴骨瘦立松蒼髯當時一疏貂璫悚萬里投
荒狎蠻種山窩玩易通神明石榔觀天豁塵壅吾性洞澈夜氣

眞講學日與諸生親奇哉膽落安貴榮責以減驛促出軍羅施
宣慰懾且感荼豨摧枯何不敢擒王勝算非足驚任道餘力隨

所擊先生經義先窮研性天頓悟空躡筌後儒思學有偏廢超
厓走棘多危顛丈人有道莅茲久考禮修文滌頑垢虔藏遺像

扶風山風教扶持意何厚學術孰始開黔陬許君弟子尹荆州
圖書業成授鄉里千載墜緒懸悠悠先生施教遙與繼禮樂須

明典章制

用何陋軒
記語意

黔士無徒仰止勞欲悟良知先六藝

入闈贈藕船

君如瑞鶴我閒驅同泛青蓮太乙舟三十年來秋士感七千里外夜郎游

形雲早映金壺墨皎月新歸玉尺樓典試所居從古邊州產奇傑皇華拜善勉諮諏

夜雨不寐

八月早寒吾未經晚風人意怯紗櫺蛩聲易老山多雨燈影增
明天少星迴潤舊衣成散漫無眠孤枕太瓏玲愁煩難入癡奴
性倦倚牀昏喚不醒

試院書懷東同事朱鹿賓章鷺門畢雪傭許蕙騰竺个
園嚴琴颿諸君子鄭桐峯朱秋田兩同年用坡公監試
呈諸試官韵

東洲艸堂詩鈔卷十

九

乘輅出國門適館費官廩糗脯飢

君恩粗糲失天稟行經豫楚會俱慶年穀稔晴避熱日眠雨看
高雲飲學畫煙滿幅敲詩墨涸瀋顧惟使職專黔士待甄品瓦
缶欺琴鐘芝蘭忌蕢荏滓心苟未瑩鑿物何由審牂州

皇化洽無謂細已甚農功勤水庸蠶織富山錦士職詎獨疏金
玉沙礫磳吾聞駿骨收駑駕勵蹕躡又聞陽律奏幽谷脫寒凜
六經日堂堂百家雲淪淪文章有根果至味薄棗楸諸君委簿
書慙喜聯履在勤諏稽古彥仰咨

當宁朕王事資賢勞私願阻來諭笙磬有同音昌歎無獨任論
議化言卜顛倒防宋沈雨乘秋氣煩聊可捫腹寢文字一追尋
肝肺苦磨鏡午靜烏飛寂鐙淡蛩語噤念彼白袍人何自親杯
枕

醉後再用坡韵贈內監試陳訥齋直牧

肅肅監禮儀紛紛飭庖廩鑰尤深嚴啟閉必諮稟能以定力
肩暗破積習稔弊塞石潤穿墨去貪泉飲舉要如引綱慎微防
拾藩先生治劇才萬緒別門品剛能化廉劇柔乃非苒桂邇來
闡例煩積羽幾搏審絲勞已難治毛舉復太甚十女持一機何
從得完錦百夫治一玉何由汰沙礫謂宜示渾樸聊與安蹕蹠
風霜偶一擊足使萬類凜黔中被

文教久靜魚鮪淪如樹穀望實如植桑望樵安得詩書氣薰染
到中祗教士傳文翁講學慕高朕官長民事餘士習固已諗謂
宜勤陶甄鼎鼐成熟飪庶期比齊魯不自儕蔡沈學宮屢修葺
疏報未嘗寢何不多置書聲史廣雕鏡河導百川通鐘鳴鼎鑪
噤先生笑謂然君醉宜就枕

東洲艸堂詩鈔卷十

十

次韵答藕庚中丞丈關中苦雨見簡

鐵硯峻嶒布席單風簷萬瓦雨聲寒雙星忝與持衡重九載深
知造士難名酒暫宜閒夜醉蒙惠佳酒奇山須向快晴看諸生勉副
飛騰望老筆歐陽興未闌

望晴

白日看天夜數更滯雲寒雨滿山城蠶聲食葉多辛苦好放秋
光十日晴

夜雨念應試士子

響透空階潤逼衾垂簾無寐酒難斟夜郎萬里看山眼秋土三
千聽雨心今年止三矮屋支殘檐溜直寒更敲到燭花淡淩雲
書日文章福莫愛精神一苦吟

公膳有蟹分餉同事諸君次日朱鹿賓章鷺門以詩爲

謝次韵奉荅竝邀同人晚酌賞菊

黃花未至先有信官庖戢戢團尖進無腸誰料出機鋒朱老章
疾逞豪雋奇思妙偈盡包裹拾慧到余如食餒自從點黥役文
字目混朱藍奪吟興中秋佳節隱蟾魄苦雨空庭淹蟻陣幸竣
官事硯將枯乍有高談燭易燼謂宜冥坐養虛明又被爬沙乘
鯁覺雙螯雖具瘦難持嗟同愛馬憐神駿今日無蟹有監州情
齊庖人非短菘肥堪攜攜初菊忽來數十枝聊與諸君同嗽酌

闍墨刻成合四書文及經策得六十餘篇炳朗可觀同人謂黔中從來所未有喜成一律

玉尺樓頭大月懸奇光照徹夜郎天秋風鵠立三千土滄海蛟
騰四十賢經術居然參許鄭才思時復到雲淵聯珠疊璧欣傳
示爲破荒寒二百年

東洲艸堂詩鈔卷十

十一

題周小湖前輩評梅山館圖

梅花千株萬株發風橫雪灑爭排突淡濃直斜各殊態同一稜
稜歲寒骨先生屢奉乘輅使鉅眼評梅更評士要備和羹鼎鼐
需豈徒鐵石心腸似今日作郡古趙張培化振俗勤農桑梅花
未開菊已爛醉客何殊有美堂連日壺觴近文史一別星郵七
千里想見冬初索笑來翠羽無聲月如水

羅蘇谿方伯前輩齋中觀傳青主書

誤信山陰筆陣圖縱橫排比總書奴麻姑壇記能醫俗除卻眞
山解道無

題朱太常萊城守禦圖冊

靖南方出師異志有先覺招撫矯詔書抗論識尤卓蟒衣出南
門忠義動風雹公外大軍來完城比完璞觀其戰守計經緯如

管樂誰敗乃公事同城多握齟貞臣任不專時事際復剝一臂
享千秋英風滿棖櫛

晉孫夫人碑書後

晉任城太守夫人孫氏碑自乾隆甲寅江秬香始得石
於新泰縣新甫山中黃小松司馬爲之釋文阮儀徵相
國師據以入山左金石志者也余久得拓本顧未深攷
茲於蘇谿前輩齋中得見秬香初拓本及小松手書釋
文竝錢竹汀王述庵孫淵如武虛谷桂未谷洪稚存王
伯申伊墨卿陳曼生翁覃谿諸老竝儀徵師題記石墨
增華文采斯萃因細釋釋文推求拓本尙有數處誤勿
者如今我不犯尊而蒙優詔乃是今我乃犯尊而蒙優
詔也同歸殊塗爾其□哉原釋皆缺實止哉上一字不

東洲艸堂詩鈔卷十

十一

可辨也有□□意時夫人身□在家止父合畱而謂父
曰功成而還雖天之道然事君不懟□能□倫聞□□
□爲吏部尙書多用老成先帝舊臣舉□不絕必不忘
君旣而果舉君爲侍中此段原釋脫誤字甚多也夫人
在羊氏沈重有度沈重二字當補釋任城非夫人姑□
生姑字尙存其半上感慈□□飛□□下惟詩人刑于
之言瞻前□後率由弗違以御于家邦終始以孝聞□
□夫人之力也此數句原釋亦多脫誤也□方不肅之
訓方誤爲力方上蓋義字也□□歎曰其嗣子之歎詞
歎上非乃爲二字也合問日新合字當補也夫人蓋早
喪母而孝於父所生子不育而嗣子迅爲之銘也按魏
志盧毓爲吏部尙書使毓自選代乃舉阮武孫邕帝於

是用鬻管甯傳侍中孫邕薦甯孫邕蓋卽夫人之父矣
文帝典論北海王和平亦好道術自以當仙濟南孫邕
少事之卽其人也鮑勛傳帝屯陳畱太守孫邕見碑僅
言爲勃海太守者略其一耳齊王芳紀注引魏書景王
與羣臣共爲奏內有光祿大夫關內侯臣邕以論語集
解序證之卽孫邕也此不言關內侯而言建德亭侯豈
後復改封歟任城王國當稱內史但內史亦可借稱太
守且據沈約宋書則任城在晉亦常爲郡也魏志桓階
字伯緒長沙人此作伯序者階陞也序東西廡也作序
者正字作緒者假借字爾雅序緒也同音同義得相假
借也桓階爲劉表從事祭酒表妻以妻妹蔡氏自陳已
結昏拒而不受因辭疾告退此得復有少妻伏氏致文

東洲艸堂詩鈔卷十

十三

帝令邕取之者蓋繼室也洪景伯跋廣陵屬國侯夫人
碑已有漢婦人墓銘石刻存者止此一碑之語又晉武
帝紀咸甯四年詔毀天下墓石故晉石傳者絕少況婦
人碑乎朱朗齋以八年爲泰始八年王伯申以文母爲
文德之母說皆可據新泰縣志載任城太守李夫人碑
李字直孫字之誤耳至袁桷謂漢晉以上婦人無立碑
之禮引齊書王儉論太子穆妃不須石誌辨其爲僞膠
柱之見不足置辨也倚裝題識復作詩一章以志欣賞
我昔壬午年廿四東山使節日隨侍徧甄秦後篆分碑始讀儀
徵金石志任城曲阜兩京富歷山雲峯六朝萃典武寥寥片石
孤任城太守夫人記我思洪氏生未晚侯夫人碑早珍異何況
咸甯詔毀碑一代貞珉付荒墜夫人賢孝非偶然天與護持神

與闕堂堂一千五百載朗朗二十八行字江郎得石黃子讀題
者錢王孫阮桂泰山國內秦刻餘跨越兩京此碑嗣任城山色
增古顏新甫柏林奪漢翠碑此碑今復置涉甯湘中好事羅君
章馳驟藝林如渴驥獲茲初拓喜愈默忽出示我憐同嗜揮芬
菊燦秋不畱畫古書清客難醉此碑持抱雨三更勤與掀掌鐙
一穗蛛絲蛇跗細尋究補脫刊訛富新義狂呼咄咄檐鳥醒墨
瀋輝輝硯蟾娟卻愁詰旦使車發未緣三日碑下睡人生萬事
固等閒傳與不傳天所置君不見泰山羊氏名德崇祇今峴首
無碑空墮淚

同考諸君約集潮音寺爲城中最高處

佛界潮音起西風到小樓曲絲雙湖峻俛瞰一城秋邊氣新聲
斂才人大白浮蒼茫藏甲意千載誓蠻陬相傳爲武侯藏甲處

東洲艸堂詩鈔卷十

十四

中丞丈人招飲時苦雨快晴席閒得月初京寓書喜而
有作

脫帽看天呼快哉清風吹我笑顏開三旬黯澹千山醒一紙平
安萬里來石磴盤旋花氣勇金尊凹凸鶴心猜東華近事煩煩
問艱鉅應需濟世才

東山

到山剛聽曉鐘撞輕欲乘風屐齒雙萬樹初陽紅有氣一城秋
霧白如江邊藩想見

皇仁被蠻箐須憑佛力降各山中寺字極多爲洗塵勞文字債巖泉終

古自琤琮

扶風山

扶風萬文明秋嵐一徑屈曲成三三山輿如箔人如蠶坐游無

礙左右堪古樹直上天雲參懸厓斗落不可挨飛閣豔起何眈
眈俛聽城郭朝聲酣偶然落佩抽冠簪不覺大笑塵世愁山顛
繖繖數丈潭倒吸山氣爲停滴奇石磊塊蹲飢虺娟娟紫竹叢
香柗清秋翠羽風毳放生魚鼈兼龜蝸聲聲影影潭中含潭
靜不動水面藍陽明先生坐山龕想見道味懷清甘我行上山
勇且貪耳目眩轉汗若泔拜謁遺像乃大慙心氣一斂無趨趨
吾生世味雖飽語如飲魯酒非所酖無緣馭風希彭聃何不入
山依瞿曇不須爲我畱茆庵一杖一笠無可擔奇山看徧天西
南

寶相山贈心印上人

上人家在衡山陬好奇早作黔山游錫飛杯渡不知遠荒山宴
坐忘春秋中年鄉思不可輕七十二峯時入寢於今了了復元
元如葉脫枝繭離甕山中寶相比月圓樓閣虛明秋照天我心

東洲艸堂詩鈔卷十

十五

懷歸不能語卻覓來遂下山去

觀音寺公宴

甫拜

君恩宴鹿鳴還憑佛閣萃簞纓數來佳士花枝淡無日不聞諸
公誇今年得

盛士之看徧奇山酒盃清一水樓臺皆畫本寺閣臨水深秋弦管卽春

聲藉丈撫黔以來除請主司
外各署俱終歲不得演劇邊州飽閱昇平象月落城頭別緒

生

九日登黔靈山

中丞丈祈晴雨必於此山日內快晴卽祈晴之應也黔
山多童此山樹獨暢茂幽奇是黔靈所由名歟

連日雨住風亦住容我清狂天不妨懷家遠望枉蕭蕭聊喜重

陽不虛度黔靈之靈吾久聞上與帝所通氤氳禱雨膏同千里
赤盼晴風捲九秋雲我來欲向山神叩一徑盤紆穿複岫泉從
太始出聲聞樹自前朝念祖舊千樹萬樹相爭先千石萬石連
跟肩同根下入九地直合氣上抱高天圓天地精神滋血乳中
原臍腹邊枝股偶從奇穴見噲噓遂使蠻天有晴雨登高極目
秋成堆萬里空明寒鴈來我思附翼乘風去易水蒼山一日迴

五弟奉母在
弟三弟在滇

漏勺泉

相傳此泉一日百盈縮應百刻故又名百盈泉來觀泉
者卽盈縮以占休咎故又名聖泉余來驗之盈縮信有
之應百刻占休咎皆不然也在城西北五里許城鄉相
距俱遠無汲水者

東洲艸堂詩鈔卷十

十六

我本觀空法來參有漏禪盈虛眞宰現休咎野人傳膠醒千山

露秋荒十里煙有靈難汲取寒日照清涓

余時倦
臥亭上

馮桂山觀祭朱丹木太守邀集雪厓洞

城南雪厓洞石澗雪色稜稜堅冰鑱淒淒古寒逼懸廊臨滄
波忽似鶴展翼千峯勢飛動坐攬一笑得黔山聚奇險登陟虞
顛踣茲游得平夷相與恣偃息菊花知酒味竹氣挾秋力懷抱
爲君開萬感何處匿

藕庚丈人贈詩因得士之盛獎許過情次韵荅謝卽以

誌別

半生愧懵學濫與黔輶游署雨甌行踵江山盪吟眸一朝入鎮
院萬目瞻星輶正鵠苟不立負彼束矢搜自惟樸拙性力竭天
斯酬抱璞必蘊玉勉耘期有秋懸衡冀一得

仄席報所求名材何磊砢薄技殊雕鏤華斂實可舉骨重采亦
迥析理有濂洛揆根滌秦周窺公教育久實與性道謀淡根壅
愈固浮藻刪無畱蠻荒闕奇秀陽明始披收昔同導河禹今比
吹律鄒側聞三考績仕學有兼優躬行矢一誠墜舉罔不修飭
吏警鷓獮救災驅龍虬天人上下際感應速置郵兼勵擐甲士
未雨查綢繆豈徒抱經儒冶鑄逢胡歐小子稟庭誥派別知源
流經疇少灌漑義圃供薪標如木不中理頗亦強自揉顧蒙匠
石憐不鄙條與繇計從撤棘來意重語益稠偏嗜有歎菱扣響
聞鏗球何期錦繡段重以明珠投諄助善自愛見獎能勤賦杜
陵志廣厦香山懷大裘終虞等瓠落守拙湘山陬公乎頤養勤
益其民士休成城志乃固視蔭語不偷時事若峻坂中達有安

翰

東洲艸堂詩鈔卷十

十七

羅蘇谿前輩贈石谿上人畫幅

苦瓜之前雪个後吾鄉畫禪來石谿直從幽巽入堅渾與兩佛
子殊町畦雲游日被洞壑裏筆落能使牲醴哢此幅著意更深
遠煙雨一黑天爲鬣荒荒水光樹不辨黯黯苔氣雲舍棲入佛
入魔信有此湘君山鬼羣來棲措抱翁題句有云蒙君持贈副
入佛入魔無不可所願既到畫處心沈迷挂壁兩日側臥視傍惶悚仄不能攜

再得子敬弟廣通書

前日得弟書燈花爲我喜言兄使黔來千里如尺咫今日得弟
書悽淚不能止言兄使黔歸千里如萬里仲夏兄出門母恙就
差矣行步稍亦艱眠餐幸無累徹棘茲一旬家書展三紙起居
報平安孫曾互兪唯兄歸遄其行汗漫閱山水計拜北堂下益
梅甫開耳姑勿過思憶宦游非得已聞之丈人言賢聲首屈指

滿丈云子敬爲
滇中好官第一從來孝養事亦有顯揚理益富勤保惠無異親
甘旨俟有去官資自然歸侍美餘事無足言養心珍髮齒

東洲艸堂詩鈔卷十

十八

東洲艸堂詩鈔卷十一

道州 何紹基 子貞

九十九峯堂詩贈陳訥齋直牧

出省第三日與藕船迂道廿餘里至平越州小住一日
冒雨看山歸飲州署正對九十九峯因爲訥齋題其堂
額兼賦詩爲別以誌良友雋游非可多得也

身長八尺須眉蒼和如春風朗秋霜英姿尙挾閩海氣雄州高
據黎峨鄉伍符尺籍竟瑣瑣男令植穀女課桑訥齋所至以公
課農桑爲先
餘宴坐門洞啟九十九峯來此堂黔陬從古萬山會一落蠻箐
無輝光此邦況是播州壤橫貫粵黔爲戰場宜孀山頭峙古壘
武勝關外紛遺槍

東洲艸堂詩鈔卷十一

想郭子章郡閣俛睇可百里峯尖迸露無餘藏我慙持節拓文
軫翩如乘雲來大荒平看萬嶂止一曠未許巖岨撐吟腸與君
聯事三十日論文道古多慨慷玉尺樓下落葉積秋事坐負黃
花黃重陽薄游頗不惡所苦袍烏難我忘穿山頓轡指平越老
穉走覬驚如狂幽懷萬斛此一寫若箭離苦馬脫繯潮音閣前
水碓響仙人洞上烟杵涼繩幽伏肖蛇狹竄躡險矯作龍鶴翔
歸來此堂息以踵遠峯齊向空飛揚烏江一綫隱滴滴翠岫百
笏排踳踳一峯江內意自靜九十九峯終古忙隔江招邀徑到
可堆青潑紫滿屋梁頑雲猛雨苦相拒雨聲浩瀚風滄浪峯形
變滅不知處令我矯首空低昂明朝揮手白雲外酒杯詩硯皆
茫茫

葛鏡橋平越州
東五里

我行麻哈江沈黝色可凜飢蚪波不鳴瘞鬼石有影兩岸萬仞
山積鐵未脫卅艸木不能芽猿鳥自古噤行人走惕息有橋伸
若虹商民負戴過官長輿騎通白日放光氣照見馮夷宮漸見
削壁罅鮮露滋融融問橋孰始基葛鏡一民耳規度三十年再
建乃再圮工竣萬歷世四十有六祀記者張督師鳴鶴橋成鏡也
夙

瀾橋行館桂樹來時未花今落盡矣感題一絕

前度花無信今來仍寂然低回與汝別相賞是何年

讀吳仲雲廉訪丈花宜館詩集似有所悟奉題集後

觸物論議發詩心熱如火百紙盡一揮其疾又如荀先生歎謂
曰子才何不可顧能驚四筵未信適獨坐微論屢已炊一編欣
示我根巨本閎深樵鑿入細磨奇藻削繁蕪洪波涵澹沲忠孝
闡大節風土陳細瑣精心一縷繫芻醜萬象裏許我挾卷行歸
裝壓飛舸沈吟日百徧寒鐙墜花朵所獲良已多策勵自信頗
始悟坡老言守駿莫如跛

望飛雲洞

山山紅葉易斜暉遙認孤亭出翠微慚愧山僧迎馬首客心今
似白雲飛

諸葛洞 偏橋

諸葛之洞三洞複石骨橫江不生肉回波激疊風輪轉石齧舟
輕難入腹弛逢曳舵欹側過漁舟一葉多委佗欲使順流通大
舸人閒再有郭青螺

鎮遠朱綬堂太守蔣星坪明府丈邀游文昌閣飲太守
署登舟有作

郡衛雙城夾岸懸危亭東指楚江天傾餘苦酒花攬屋送盡殘
秋客上船鄉癯齊飛千里外太守廣西大令湖北學士江西與余皆近省人奇災愴語
七年前道光十八年大水城屋人民漂沒過半至今元氣未復荆揚近事勞神想水信曾
無一雁傳今年湖北江南大水不知近日消息如何

灘行

擘礪十日行重累萬山裏雨路亂亭埃宵旰睇篝火昨上獎州
船心穩膠亦可清晨解纜去灘走疾如竒長年呼何戾僕子魄
已墮顛倒誰使然百事非由我聊可擁絮眠天地一螺嵐
山下千里江江下千里山荒山載亂水百里爲一灘舟子老狎
浪舳舻多盤桓耳目所不及平地森神姦泠泠一丈水詎有蛟
龍蟠

山轉灘正拗灘吼風又作風力脅灘起百丈不可落聲喧百雷

東洲艸堂詩鈔卷十一

三

寔白舞千鶴鶴扁舟赴的猛不費半篙著十里一瞬閒瞥似輕
燕掠念彼上灘人何處穩船脚

危石吞我舟舟小何足餌一篙點欲飛石怒忽成塊巖閒古雅
樹露果赤顯媚山猿夜夜來飢涎溼通臂灘聲驟如雨雨候忽
已至石上雲團團一白掩嵐翠

睨州謝家芟亭通守贈硯

激浦燕子潭石近日好事者始琢爲硯芟亭官吾楚所
至榔桂辰沅閒皆得硯材謂激石爲尤勝茲招飲睨州
署齋持硯相贈且爲銘曰燕潭石美莫倫官雖薄贈與
君堪濡筆用傳經鄙人向不受人硯意有難卻走筆戲

謝

靈石有胚胎全山共筋絡上吞青霞光下插黃瀕脚文人恣蟲

雕澗岫被餘虐椎琢強名硯方圓見規郭元根脫巖坑怨氣嘯
猿鶴頗聞端欵閒日見壑源澗龍尾與鳳珠粗材徒眩褻荒荒
燕子潭僻遠辰激託巒山莽迴互元化固扇鑰燕來山花開燕
去山葉落萬古不汲淵百仞潛伏魄山中避秦人書契付刀削
鼠須空復健虬松老不灼何況巉巖懸俛睇但躡踏詩人苦好
事樵徑導野徇丁斤斧集宛宛繩尺度強從墨者游枉助俗
書惡從茲潭水渾元狃不敢濯駝卯驚墜巢驪睡暗移壑芟亭
老宗兄道性最渾噩觀其咨事誠實與元古酌見示從政筆記無非實心實事
奇癖有鍛屐繭足飽嵒岨柳衡辰酉鄉百壁壓枕索漫詡載石
廉未恤混沌鑿交君四十年垂老愈蹇謬石腸清自堅硯田秋
少稜相逢古夜郎宴笑語無諱愛我無可爲贈硯比金錯謂足
資傳經意重非宜卻平生論石交汎愛不如約一硯從吾游內

東州艸堂詩鈔卷十一

潤外皴皴研文故山陬校字天祿閣清波飲湖海靜翠分衡霍
汝壽踰龜苓人事等螢燭漫云傳子孫此語吾尚忤今晨復置
此搔首無住著君從荒山來詎忍文字縛新添竹石趣恆苦化
工薄藉君神骨腴助我臂擊弱峯嵐染霏霏煙雨生漠漠近日偶學畫竹

沅州贈李倬齋廣文

跌宕論心奇抱開呼樽重與語燕臺溪山九載孤罷坐筭雨三
秋候雁迴白芷年年懷古意黃花朵朵傲霜才士林根柢關培
護多少元亭問字來生徒從游者甚眾

謝徐莊署齋酌飲五鼓始別

我友迎江上扁舟下晚灘花前一夜醉雨外萬山寒人語頻移
燭天風入整冠舊時栽竹處溪護萬琅玕

次韵荅楊性農親家

秋風吹歸心汲汲念將母遙隨天上月
臂向燕臺柳黔山奇無窮亂翠滴馬首
冷秋辭船立冬灘轉夜失斗颿遲已捷

權猛瞠復後一笑入鼎州竹枝聲在否
欣逢吾性農新詩揆懷取清微到孟六
麗密儕元九下言迫簡書上言富新標慰藉解

飢渴期許重山阜君家百年屋青山繞書牖
檐茅添雲衣庭花斂風帚慈闈初白頭中婦
小垂手總角吾家堵嬉跳戒母忸名門凡鳥無
筆力虎兒有未造子雲居况翦處士非聊資官
燭爛紛綸指助口時事斟是非鄉俗論好醜今
年雖水毀茲土幸熟

西坐慙老農圃斲亦躬鋤白卻思窗梅開又
逐沙蓬走出處事難卜天地側身久我先君北
行鞍履磨定朽良朋日下聚多亦君所厚栖遲
佇德輝浩蕩容才藪薊門煙樹春酌我花下酒

君擬

於冬仲計

東洲州堂詩鈔卷十一

五

楊紫卿齊年兄久主永州講席十年不見忽相晤於武陵狂喜有作

子貞忽聽紫卿呼燈炬騰花酒笑壺半世論心詩裏有今宵見

面塵中無齊年契合如棠棣招隱情淡狂畫圖於弱頭畫湘中山見贈意

氣依然能倔強溪山病鶴不知矐君近年多病今乃甚健

未妨木雁偶參差追逐雲龍更弗疑儘有悲歡十年事妙無談

議兩人詩奇山影落春星閣瑞露光分太液池塵海升沈真細

專性情風義要扶持春星閣詩集已付梓

跌宕燕臺共嘯歌舊游說與涕洟沱老成漸歎乾嘉少謂先公及陶文

湖侍郎新鬼還驚鄭邴多謂吾鄉陳雲心夏亦卿采筆有人虞

日月狂瀾何計挽江河當年感槩鏡前集高枕何曾穩薛蘿

我讀騷詞愛遠游君能作賦早登樓兩人足跡輕天下千古詩
懷在永州道士嶺頭同看雨高風亭上快尋秋屐痕輸與重重
印未肯前盟負白鷗

至武陵將易舟而輿熊錦峯大令同年連日畱飲賦謝

輕舟直擊萬山來江樹平看翠作堆佳約竟成三宿戀清尊未
厭百回開煎茶餘興還譚菽錦峯分枝甫回器製錦清聲總費才盡道

武陵春色好甘棠桃李一時栽

桂柏

大龍驛前古雙桂清化驛前古雙柏清風連延五十里鐵榦突
兀三百尺月露秋爭金粟香雪霜冬避髯龍脊傳舍從來閱使
星蝶甦螢葉難留跡柏兮桂兮誰汝植意慮深遠非促迫森然
動我歲寒念此心未可爲形役

東洲艸堂詩鈔卷十一

六

次韵答湘皋丈題蓬樵老人畫湘山卷子

躡屨京國別鄉里都道瀟湘好山水吾家瀟湘兼瀟瀟更在源
頭最深裏黔游裏畫枕几閒古墨潑出今日天安得一身化五
兩乘風徑附東歸船丈人齒德鄉三老楚風千載張幽渺些蘭
頌橘遺芬芳晉鬼唐仙佇蒐討沅湘耆舊集已刻成時方補輯前編

望九子嶺

九子嶺者先文安公葬處也自庚子春仲見背秋仲扶

區南行冬杪至長沙卽出覓地跋涉三閱月不可得一

夜寢與二五兩弟行山野閒遇石碑刻一女開九子五

大字牘而思曰得無地名有九子乎適門人楊鐵星來

言乃翁嚮先公至其家乃翁問佳城何在曰在瀏陽鐵

星又言一女者非諡中安字乎友人李載庵習青烏家

言於近邑游迹蓋徧因以詢之則曰湘西吾所家也五里外有九子嶺恆所往來未見有善地余曰既有是嶺地在是矣堅挾與俱往始一二日齟足荆莽中無所得一日五鼓行至天明延緣至一平岡豁然開朗心覺有異余曰是矣載庵亦首肯兩輿夫嘖嘖稱善余顧曰汝何人亦解是乎問其姓一劉一楊也余意遂決地主

御祭文暨

御賜碑文立於享堂之前楹儀徵阮相國師所撰神道碑銘

東洲艸堂詩鈔卷十一

立於內楹置墓田種樹至歲底而事畢次年服闋由江南奉母入都供職別墓以來忽忽三載黔試甫竣長沙友人唐印雲書來謂我必歸諱諱延佇卒以迂道往返須耽延月餘請假不便省墓莫由悽懷惘惘左右百端拉雜成詩聊攄思慕云爾

青青九子嶺秀出湘江右白鶴山西南來九子之所母尖山連谷山到此元回首嶽麓見乎離牛峯位在丑孤兒艱難歸曠野匍匐久寒雲伴荒眠苦雨逐疾走百採不一獲痛淚祇盈斗異應示孽巢嘉名識崇阜兒癡父見憐漆暗相指誘驚傳篝火祥果有山神守窰窰痛已卜畚畚勤自負艸土墓側臥呼號問安否父子五尺閒永隔大地厚祭葬

賜飾終

天章炳彝尚崇銜美謚兼異數信非偶當代儀徵公三千言不
朽伏石兒自書不敢倩他手穹碑日照宇享堂月開牖來雲屋
重楹聽水田十畝環植松桂竹亦有植與扭野梅十餘本移種
大雪後寒花半月開奇事驚孺愛願惟俛仰際未易終巖數痛
哭別墓去慘澹復何有灑埽仗山農護視屬良友謂印雲東望光
祿墓琅谿水清瀏怡怡老昆弟千載猶比耦伯父健園公葬湘
江東之許塘距九
子嶺八一坏主薄墳五里聞雞狗天性有巨孝地下孳新婦殺
弟及其原配李孺人墓皆於兩兒本一身中道慘割剖陰靈憫
是年卜葬距九子嶺不遠

使命逮小臣

山臺吾胸歸語難出口

東洲卹堂詩鈔卷十一

八

宸慈念耆耄

韓翰學士謝對先公荷蒙

恩召清問

鞠躬思箕裘竭力事薪樵玉

尺別層樓扁舟下二酉船頭望湘山雲樹莽紛糾天空祠墓寒

積葉誰秉帚故人愛我甚埽榻儲老酒使職乃羈牽慈闈况催

趣歸心似寒雨挂徧荒浦柳又如米在春萬杵不出白沈思天

地窄漬淚席枕垢哀鴻失其羣飛渡雲縹九狂風激暗浪爲我

終夜吼

津市行贈蔡玉山前輩

由武陵登陸行一百六十里因水隔不可行仍至津市

登舟玉山前輩自澧州來晤敘飲極歡夜分別去蓋不

見又四年矣

洞庭湖八百里西吞潯沅江南受瀟湘水使君持節領全湖如

此好官真有幾蔡侯起家由蓬瀛中開水部詩名清郎潛推擢

居言職諫紙流傳有直聲朝陽嗚鳳南極翔雲鶴居然榮戟
照森凝依舊巾幘能灑落昔年乘傳聞海陸與君蛩駘同驅馳
朝看泰山雲暮聽金焦雨姑蘇臺畔懷鴟夷嚴陵灘頭弔皋羽
江郎之石何屢屢仙霞高關切雲霓游跡愈縱意愈奇君皆有
畫我有詩二十四幅紛淋漓當時我到君未到惟有杭州西谿
崇安武夷至今畫燈少此幅何時爲我一補之畫其所詩詩所
畫古今南北空流派風月清尊盃古懷江山使節留佳話人事
浮雲多變遷人心明月不難圓我著麻衣別京國君褰高幘向
湘天定王臺下曾相見爲余盥洗淚痕面燕楚無端又別離聞
吳聞道頻征戰今夕是何夕今晨是何晨雷琴忽會合龍劍有
精神我行兀兀武陵口貪看紅葉穿林阜翩然復上澧州船上
見狂斟津市酒高軒遠道來逢迎如君古誼今安有欲知頭上

東洲艸堂詩鈔卷十一

九

髮試問鏡中光鏡光閃閃千年月鬢髮差差一半霜我生不願
高官職亦不願君陟槐棘卽今篋笥妬才名自古神明依正直
君不見落木無聲滿洞庭楚歌催起臥龍聽歌聲入破龍驚蛻
惟有君山到曉青

由澧州至荊州舟中作

洞庭遙指片雲東多少田廬付水中太息人煙何處去風颿欲
側入虛空

水意倉皇竟失歸誰分官垵與私圍良田化作蘆花海鴻雁飢
來更不飛

江村小樹逐濤波大樹爭強騰幾窠水齧溪根枝葉苦不因風
落本無多

閒卻耕牛罷服田尙貪青艸向湖邊一年筋力渾無用瘦到兒

童不忍鞭

泥溪艸淺稻根陳長徧金顛白玉鱗價賤魚肥休見笑今年幾箇買魚人

秋前雞犬雜魚羸聞說城門買權過兩月縣官船上住靜思民氣定如何

公安令合
尚居船上

五日何曾見縣城泊船無處計郵程夜來寒雨難成陣篷背蕭蕭雪打聲

蕭雪打聲

生客來前競嗅衣可憐荒犬見人稀幾閒茅舍高於水莫慮雞雛習遠飛

題王蓬心先生永州畫冊

冊為同年吳次平郎中所贈所畫浯谿巖白蘋洲黃葉渡高風亭綠天庵司馬塘愚溪共八幅皆永州景也

東洲艸堂詩鈔卷十一

十

兩閒清氣所流峙水波蕩潏山昭嶢吳越秀異吸靈海秦蜀輿峭藏神泉奇觀豔景豈不好非可攜取左右遭衡雲九面湘九曲畫稿託是天公描幽奇古澹不可說雲嵐水石清相交水光石氣共一靜塵想道念能全消紆夷折疊徑千里吾鄉潏湘兼潏瀟瀟谿谿月巖在吾戶真儒所出萬象包惜哉早歲別鄉邑屈指幾度停歸橈壯游知費幾兩屐故山竟少三椽茅其閒佳處頗知領如腹乍果蘇積朽又如真仙古佛國經年一造神骨超同年吳君世蘭錡文章氣誼託久要餘事荆關活擊底善寫湖雲龕緒潮知我詩心在湘浦如其吟詩多雪茗蓬樵畫妙在持贈君誠有美無吝驕半生鄉廩厚如霧一旦得畫全融銷尋山蹋寺心挈玩枕藏袂裏忘疲勞畫中諸境盡曾到兩踵自詡輕猿猴白蘋洲連黃葉渡高風古亭風最高塘邊藕花笑司馬使

愚谿愚徒解調澹山巖淨宋士墨綠天庵卷唐僧蕉渚谿蒼蒼
打碑處凍雨尙自悲前朝揚成七字不可復磨厓百丈皆動搖

昔年冒雨手拓中興頌止得
匹馬北方獨立一七字而已此景此圖匪形似有骨有韻相和

調漁舟歸晚自依樹樵風徑絕先有橋煙村霏霏日隔嶺野寺

莽莽雲來巢忽成一片不可辨我能彖曲分秋毫屏除練絹謝

鉛楮紙本
墨筆筆善藏穎黑喜焦孕含卷軸見毛髓師友造化從招

邀餘力更寫帝子竹斜風直雨垂煙梢縱橫題句盡樸逸書務

守駿詩無妖冊後畫竹
并自書詩吾生所嗜山水畫昔者思翁後蓬樵思

翁微尙祖迂寔壯年持節乘楚軺洞庭以南入屏幃此後骨潤

神姿饒至今華亭舊噉出半自楚兩官蓬敲二百年後王永州

高士作郡酣逍遙煙客麓臺有家法古意獨接靈均騷掀髯潑

墨狀萬象山鬼獺獺皆奔逃董前王後若合契堂上雅樂球應

東洲卅堂詩鈔卷十一

飽不辭孤賞晒阿好余之酷嗜蓬心友
人或以為偏見文沈憚羅皆可祧憶昔

作郡十稔久先公受知當齟齬時先公郡
試冠軍師恩感念貫華皓遺

墨購訪珍瓊瑤楹積有五六幅時敬展視容無佻當時學使

錢昆明先公補弟子員出
錢南園通參門書摩顏壘剛不撓兼能畫馬寫懷抱

正氣凜凜騰煙霄師乎師乎典型在先公往矣傳兒曹牙籤玉

軸謹題識遺笏傳硯同藏韜誰期此冊晚到手歷歷恰似圖經

標正宜披拭快欣賞又遣畱連成鬱陶先公在官四十載晚年

歸思如波濤

主思難報山嶽重天風遽折松桷喬卽今披圖數遺躅想見負

米乘谿舸艱難孤露萬慘澹谿泉湖樹同飄蕭小子生來狎邨

野耕糗合置春陵坳猥承誦芬點行列笑同銜羽棲樊斂鄧安

楊侯辱我愛新詩苦語勤相招使舟恰從溘浦泊歸路好向西

湖鈔顧瞻簡書成還縮日展圖書為游遨

鄧湘卓丈楊紫卿兄皆以爲必過里門豈

知出使非請假吾鄉數典有難次衡疑語志當重

修補余藏宋大令漢元銘柳記正百一況此隘幅多從拋烏乎

老毅如可作尚可攬奇搜遁鋪生綃

先弟子毅畫山水入逸品

公安舟中阻風次韵戲作爲藕舸學士解悶

硯山晨起煙漠漠知有打頭風浪作風聲得氣一鼓至浪影如

人千隊躍憶狂黔州秋不雷一夜警枕聞鴟鴞

雷電皆喜謂可

堪倚舵遲初雪烏雲如山頽不怕紅葉隔水豔殊絕量度事勢

宜少安閉窗自暖開窗寒滿湖飢鴈何須問一指瘦魚差可餐

歧中有歧乃至此且喜江陵無百里明朝試挂順風颿客與中

流去無駛

東洲艸堂詩鈔卷十一 十二

荆州渡江晚泊

西山日落散輕煙風緩波平人悄然淺淺蒲颿宜晚渡蕭蕭漁
火是荒年一行雁叫有霜夜萬里星明無月天瞥眼江南過江
北新寒忽到短檠前

李戡門觀察畱飲

荆州西南萬程隄乾隆年間大修築六七十載保障堅水齧隄
根漸奔突前年漫隄江入城今年隄敗災更酷城中高處水一
丈官衙闌闌同一浴何況平疇與窪地漂洗田廬裏人畜盡臣
入告

恤詔下命仿黃河下菱竹

江工用埽工前此所無我來已值冬氣斂城市

蕭條水端縮故人持節在江濟苦酒持勞燈影綠仰看屋壁懸

水紋尙訝蛟龍此閒宿自從洲多江水淺夏潮秋汛無收束江

北官隄有人問江南民堰誰計錄比年水毀多流離況有餘力
事畚揭若非北溢定南浸鼎禮卽看入江腹我思隄堰維繫同
何苦官民強分屬扁和去後上池竭爲治耳聾盲厥目藥石不
異偏師攻本根孰冀元氣復醫人醫國無殊理壑海壑郝貴壽
熟酒味荒寒難醉人且睇蒼天嗅殘菊

新野韓春卿大令兄許示新得畫卷酒後忘卻

好山都是畫讀書卽看山誰遣蒼騰過渾歸杳靄閒雪鴻飛太
疾蕉鹿癡俱刪夜月橫枝影天公小破慳次日行館
蠟梅盛開

榮澤蔡癯塘明府署食黃河鯉甚美癯塘云以鱗尾皆
赤爲驗

河流終古濁魚味足脂膏柳貫煩賢宰盤空愧老饕雪腴雖可
貴賴尾實因勞感念無端發狂風又晚濤

東洲艸堂詩鈔卷十一

十三

安陽行館

丁亥夏與先弟子毅訪碑過此今日賣碑人尙有聞風
至行館者然無片墨可存也適牛鏡堂丈由河上寄書
來問近得佳拓本否感成一律

十八年前屐齒痕賣碑人有幾家存忪披金石安陽志癯到庭

階寶辭軒丁亥年在汴中得宋拓辭少保書
信行禪師碑因題其軒曰寶辭尙枉尺書詢翠墨

不堪游迹愴鴿原打冰又渡漳河去漳河水凍須
打水乃渡銅雀臺荒落

日昏

迂道至孔雀庵夜宿邢臺行館作

一抹斜陽已到鞭馬蹏輕趁晚風偏森森古木非官道汨汨波
流認水田看竹句畱孔雀寺談詩問訊野狐泉陳笠雨大令云
城北野狐泉東

坡刻願敘溝漚勤疏導未讓江南十月天

眞定訪梁氏蕉林書屋晤石川司馬老屋僅存收藏久
賈尙餘蕉林書屋圖冊廿四幅耳慨而有作

聖人龍興大涵育先代儒臣悉甄錄近畿文藻數誰家梁氏雕
橋孫退谷買書日下海王村近接孫公前後園少宰風流零落
盡西山子姓幾人存眞定梁家經世變名山別墅仍幽蒨貞敏
而還文定前四世簪纓萃華選儒雅羣推勝國賢迴翔更數
熙朝彥千章喬木上干雲萬卷賜書長守硯梅村昔賦雕橋莊
君恩世澤紛鋪張但知蟬冕百年盛豈識芸籤奕葉香子孫柴
戟從凌替祖父締細漸佚亾新詞空說棠邨好記錄終輸北海
長圖書聚散知非偶老屋橫斜無十畝濡染蕉林廿四圖護持
賸落元孫手石川爲蕉林元孫兩朝文獻重裴回古佛無語余心摧是日許西園大令邀游大佛寺溥沱河水淘沙去大茂山雲橫馬來

定州

東州堂詩鈔卷十一

十四

行宮觀雪浪盆恭讀

純廟御製詩碑敬賦用東坡原韵

先皇西巡萬馬屯父老蒲伏瞻

至尊

文思稽古發神藻古跡盡破塵霾昏東坡雪浪石與盆不知翳
昧誰家邨置臣鑿石得形似屹峙

行殿如塞門徵圖先遣屬車彥

題句上招詩老魂

庚午定州未至此園命張若靄圖之以歸

惜哉銘

字傷嫵媚不模不範失本根頗聞楊虜石與魏默曾見前朝

蠶蠟痕幾時兩本一到眼闊落細麼詳討論不彀宵征持葦炬

一任落月欵金盆雷門布鼓仰

搗抱

小臣敬佩長思存

有云雷門布鼓子竅言

御製和金石詩

訥近堂制軍丈畱飲索書

行程暫與憩驂駢半日淡談易夕暉節院開尊寒菊豔材官磨
墨瘦蛟飛詼驛路新秋稼問訊江頭舊布衣

席開問及多
年矮檐守苦容

我疎狂偏喜極愛才今日似公稀

題八大山人小鳥圖爲謝信齋作

畫兩小鳥相對不飛不棲鳥外皆空紙矣上題詩云西
洲春薄醉南內花已晚傍著獨琴聲誰爲挽歌版橫施
爾亦便炎涼何可無開館天台山山鳥爲門徒甲戌之
夏日畫並題

我生愛畫怡心魄旁觀不解名之癖汎水千津不買船游山萬
仞休費屐夜郎使節七千里詩卷峻嶒山影積山山水水眼過

東洲艸堂詩鈔卷十一

十五

空畫理撐胸莽騰擲玉井宵游雪浪湧節樓晨醉寒暄炙十年
不見見先笑信齋老作諸侯客嗜書耽畫與我同聞我足音手
加額掀囊倒篋不肖秘止許誇揚無貶摘濡毫澹靜氣爲斂潑
墨狂豪舌先咋忽手一幅故吝示謂是精能最奇劇發絨何處
小鳥來到眼省是王孫迹不畫峯巒及亭舍亦無竹木同水石
雙雛栩栩勢欲動令我清風使生亦不勞阿闍明九苞未羨天
池搏六翮和鳴似喜春雨潤對舞還貪午陰碧墨無十點筆無
轉鳥身盈寸紙三尺三尺之紙天地寬萬里虛明日月白王孫
遭際是何世神州陸沈行路窄琴聲歌版有誰問天台山春冷
蕭索託心微物不自知放眼太空聊一適生逢清平吾與子畫
卷鋪排月照席卻看毛羽挾飛動暫解衣巾憩行役信翁信翁
能信天眼中富貴真雲煙太史周南苦畱滯司空城日長磨研

乍喜著書瓶有酒又愁買畫囊無錢我官柱下史例迫不敢筆
削誇聖權煤麝從來兼苦樂焚籠未免猶羈縲安得與子化雙
鳥恣意嬉翔雲海邊

信齋復見示高陽孫忠定公畫高節書院圖別後敬題
卻寄

高陽城西王氏里魯連先生遺墓址高節高於萬仞山照見清
河東去水講堂初啟王孝廉戶冊旋題鄒學使惟公作詩有微
尚乾坤紛難閒身倚

公作高節書院詩云
乾坤紛難屬閒身

更將煙墨寫圖障山

崇崇兮水瀾瀾怪石干雲正氣凌喬松映壑清風起想當搖筆
煙雨寒呼之欲出神盤桓一腔忠義憑濡染百世英靈此鬱蟠
惟公幼負經時志拒馬飛狐入游記啟沃無慙日講筵重關早
折樞臣議自請督師有幾人立營開屯爲久計再起再蹶非睿

東洲艸堂詩鈔卷十一

十六

謨太息長城爲誰棄半世登壇報國勞餘生闔室捐軀易捐軀
蹈海何難哉義輪誓與揮戈回成功垂敗知關數高節同心苦
費才謝侯北游得此幅令我點墨生餘哀便擬芒屨向山院尋
碑去埽荒莓落大招更問太師里公乎不朽魂歸來魂兮歸來
世非昔海野盪盪天容開寒潮自撼田橫鎮

亦在
高陽落日還明郭

隗臺

廿六日入城宿楊墨林寓園廿七日復

命後抵家作

策馬蘆溝望

帝鄉僕夫先喜閣行裝新霜夜肅園林氣瑞靄晨瞻

日光

垂脊先臣

清問渥

敷文邊徼

空漢詳聯鑣惆悵成揮手情語迴思驛路長

謂驛船

弟姪喧呼使者回半年慈抱一時開卻看行役兒增健更喜傳
聞士盡才過眼關河如臆醒環階笑語似春來圍鑣已是銷寒
候良友遲留雪夜杯

喬星農黃壽臣李竹朋龍蘭蓀孫
蘭檢王蔭芝匡鶴泉均來集飲

道州 何紹基 子貞

題瘞鶴銘寄還楊龍石

乙巳

龍石老兄寄示鶴銘有華陽真逸四字及不知其紀也
五不全字此尙在張力臣作圖之前乃水拓中之至古
者有松齋印三處知爲汪退谷藏本題籤瘞鶴銘三字
卽退谷書後有義門朱書小字引證鶴銘益見當日傳
賞撫掌一段妙緣也嗣歸毛氏意香今乃爲龍兄所得
不遠數千里從合弟漱芸孝廉處寄我索跋余於此銘
曾三次手拓最先爲道光壬辰冬仲冒雪打碑致爲得
意旋晤龍兄見示水拓片幅歎爲希有嗣後得見王寢
樓宋芝山翁覃谿各藏本大約俱相頡頏此本出則前
所見者皆其後矣鳳芝龍朮信爲瑰珍龍兄所獲佳拓
往往寄贈今於此帖亦似有息壤在彼之意展卷懷人
神思飛越雖相望二千里不啻一室一几一壺一鐙掀
髯討論也

《東洲艸堂詩鈔卷十二》

我昔渡江冬揚舫笠戴大雪拓鶴銘登山瞻之疑有靈雪色石
氣交晶熒以手捫拂如天星指敝欲墮擊不停凍字蛻出神勝
形灘虛汗漫藏娉婷大似水拓墨脫零至今尙帶江濤腥泊游
吳門舟一萍遇龍石窵啟鑄局有十許字懸茅廳是真水拓畱
古馨從此吾目辨涓涓瀏覽甄錄識典型癡樓蘇齋如尹邢考
圖索證頗足聽課虛求實殊畦町欺誣時復伴惺惺龍窵別來
春七經欲風跂道雜醉醒賴有尺素通丁甯時邁古墨逢新硯
輒語我詳開其冥今茲季春舒一萸滄江虹月照吾庭發緘仿

佛浮中冷臥波倒瞰石腹青華陽真逸神亭亭不知其紀胎禽
齡四字七字珍玲玎如龍銜珠鳳榮翎今宵飛栖吾幃屏來書
滾滾水寫瓶更致懇曲煩脊令我題記鐘撞廷作速寄歸疾
如霆先生懷抱涵岳溟今來古往風中螢彌勒同龕聽塔鈴靜
觀萬象真蟪蛄此何長物愛所丁未免滓礫滄淵淳似此諧語
非不經古光萬丈舜疏櫺懷哉彼美榛與荅君方寺居

龍石藏雪浪盆銘舊拓本屬它人者十餘年今乃復歸
蒙許寄贈先用坡公韵作詩索和喜而有作

定州驕卒千帳屯公來使知軍府尊綸巾轉復見閒暇奇疆坐
對忘朝昏天然雪浪空際落勢欲捲盡千山村掀髯一笑特戲
耳製銘題齋寂閉門我行中山訪遺躅千載秉燭招詩魂摩挲
銘刻歎非舊者古何處尋崖根去冬過定州天已昏黑然燭僅往行宮觀雪浪盆新刻本

東洲州堂詩鈔卷十二

一

餘三字摩窠勢想見萬珠飛雨痕

雪浪齋三大字碑尚是原刻

君從何處得

古本鶴銘水拓堪竝論我雖未覩真實相誦君詩如月映盆厲

錢翁蔣不可作天涯二子時相存

樊榭竹汀潭谿心餘皆有雪浪盆詩

別來積思如雲屯暮雲忽忽持空尊每逢佳拓輒送似洗眼一

谿塵土昏十年居近清閣末疾暫返曇礮村

若於去年因未疾由姑蘇回家

一谿流水雙柿樹圖書圍几山照門平生長物復落手珠還璧

歸香返魂欣然許贈乃到我解脫流轉原無根預排三丈雪色

璧已現一規寒月痕安得龍窈同載至互出金石文使論高人

愛石固有例顧珍厥楮忘其益語言文字何可少古情萬劫憑

茲存

楊漱芸見示雪浪盆詩用原韵奉荅時漱芸由東河帥

署來應禮部試

塞焚墮竹萬卒屯仗節塞河推王尊幕中上客吾故友千里北
上車塵昏粗衣破帽動驚俗目看城市如荒村不賦河清向金
陞苦吟雪浪關籬門吟成見示一大笑奇氣全出光魂魂我與
阿龍金石契妙緣未可求其根扁舟擬結簑笠伴苦酒共洗瓊
椎痕華陽真逸雪堂窻二十年中來討論如君自有玉界尺竟
可拄倒芙蓉盆龍貞奇癖何足羨畫日賴君鴻筆存

游龍杖歌敬次湯敦甫協揆丈韵

游龍蓼也有高丈餘者丈人忽出新意暴而髯之以爲
杖甚輕且堅於扶老宜竝作游龍杖歌命諸門人和因
吾母病足惠賜赤杖敬賦奉謝

東華之東公所廬寒節置酒招我娛揚推文囿揆道區端坐清
言忘牀敷壁閒植杖色黝朱公扶而步輕若鳧徑移遠梅三四

東洲艸堂詩鈔卷十二

三

株新年春勤百物蘇持杖過我歡有餘文章志節道不殊酒杯
詩卷多踟躕

一日枉過觀黃忠端湯文正手蹟因論道藝一原之旨

公聞吾母病在跗高

年未宜惡石鉏正可緩步春風扶特惠一杖澤不枯如藤如竹
如珣玕其色孔陽丹雘塗足傲鳳尾嚙龍鬚蓼兮蓼兮爾雖得
氣能芳蕪水國根節原虛疏紅葩紫莖暫亦都風橫雨驟頽而
趨一旦能令柔氣除左右君子襄勤劬山中老人應長吁貞心
勁節何時無頑樵入山雍艸如樨松初柏隨樗茶安得愛護此
杖俱偉爲隆棟臨金鋪喜公身還神于于樹人樹木才同儲更
感厚惠北堂須鐙前穉子同啣吾夜雨畦花來書圖

時分兒姪同作

陳梁叔孝廉癯游精實山圖

青鐙鐵硯幾春秋纔得名山癯裏游若問如何精實法真形還
是閉門求

沈山漁丈人閉門覓句圖爲哲嗣西雍太守作

翱翔二千載馳驟九州間詩境渺無際山齋長掩關夜朗明月靜秋看白雲還梧竹蕭蕭裏聲聞竟不聞

蓮花橋修禊詩爲雷遠李千之作

蓮花橋上明月妍蓮花橋下清波圓六十餘丈雪色玉風雨蒼浪虹靜眠高閣俯瞰碧浩浩遠山淨露青娟娟同心招邀二三子義舉傳說五十年蘭辰修禊有故事酒杯詩印多雷連獨餘嘉話述祖德意存利濟期來賢一官羈我文史局故山荒盡藤蘿煙歎家園失牛路無復五更聞鈞船矧云修廢竝興利桑梓敬恭魂寤懸長安赤日正火熱還君圖畫心茫然時京師望雨甚切

次韵荅李千之廣文畱別

狂花落盡不知春百感渾如中酒頻風雨忽逢故山友笠簑記

《東洲艸堂詩鈔卷十二

四

我布衣身長安索米心爲役南畝敦耕味總眞匹馬看君又歸去浮雲萬變動前津

陳岱雲太史

源宛

之配易安人剖肉療夫旋以病歿爲

紀以詩

閨門奇行傳史乘多出寒女與村婦太息朱門狂宴安漸使高風忘井臼茶陵太史邁危疴惟易安人扶持久神靈呼籲若不聞天徒高高地徒厚至情大義不可割片肉去身亦何有以肉和藥笑且前君急飲之幸無咎是時天地爲動色瑞日祥風來護守厥疾良已初不知後始知之傳眾口安人嬰疾何太促塵世脫離一揮手功成身歿更無憾太史悽其感賢偶總帷慘澹涕淚竭古寺荒寒形影耦我疑太史乃過情君歎益悲稱負負烏乎安人實諭子子有家尊與

元后人生忠孝無繩尺古賢心肝有剗剖但知義重身自輕身若塵沙義山早何況簪纓與菅蒯直等兒嬉較妍醜世人性稟苦易澆勞則善生逸乃否焉乎安人之行有何奇能使尹吉衣冠重箕帚

題朱韞山丈人遺墨爲伯韓侍御作

一詩竝一跋自有五字耳展卷風雨來生氣浩盈紙高誼念良朋脩名期妙于鬱茲仁義詞實根忠孝旨當年宰潯邑鄰境奸宄起守城制自勝積薪誓一滅城完功不居秉官如敝屣彼其浩蕩懷豈在龍辱裏去思民有心

特允名宦祀苔嗣惟伯韓起家紹高軌藹藹秀詞林駸駸眞御史諫諍有聲貫潛修盛根柢我忝膠漆契玉石互錯底欽惟堂構崇靜繹詩翰理書律亦妙精趣逸骨無靡心聲與心書流寫自如此紛紛汗牛集不眞焉用侈

東洲艸堂詩鈔卷十二

五

先友孫劭吾采芝圖遺照爲芝房作

論交二十年懷抱常愉愉節介意彌坦骨瘦神則腴觀其心太平君齋名宜與松侔徒未及知非年遽卽厚夜途嬰疾不眩惑采芝績爲圖芝英雖可餐難固齒髮膚沉徒寓其意詎挽壽命徂哀哀孝子心性至乃近愚謂芝實無靈不如萱與蘇時聞抱圖泣庭樹爲爾枯

次韵和人秋柳詩

少年情緒怕回頭帶我長安四十秋蠹葉殘編成老伴春華好癡數前游一鐙細雨差澆醉萬樹垂楊自繫愁歸鴈數聲涼欲到柔條還傷水邊樓

上緣高閣下臨池多少行人問路歧青眼止應殘月照纖腰還

藉晚風支妝燧碧玉如眉黛糝徧黃金賸色絲到底風流能不
減未妨重唱柳枝詞

連番絮果與蘭因有客南來錯卻春烏楊忍拋湖上路青衫新
染帝京塵題詩驛壁行行翠走馬銅街字字人難得舊時清興
在臨風忘是客中身

願將柳綫繞籬門繫住鷺兒燕子魂激灩金樽留晚照春容絲
筆寫秋痕不嫌冷澹高人意容汝疏狂造物恩自有冬心飽冰
雪又看煙絮趁春溫

劉寬夫侍御招同鄂松庭前輩戴雲颿喬鶴儕蔣心香
三水部王子壽比部集天咫宦賞菊竝觀謝文節公卜

卦硯傳青主食棗帖

今日晨起尋菊花虎坊橫街三五家主人高臥都未起穿圍繞

東洲艸堂詩鈔卷十二

六

樹驚栖鴉曉光清思曠無際我自數徧枝橫斜宦翁居士折簡
至告我園菊爭輝華午廊走看最奇豔日氣照破千寒葩黃蕪
正色不可逼丹碧異品如散霞修篁高松互掩映異書名硯同
賞嗟疊山真山如可作一笑未覺千劫奢偉茲日精孕金性其
節正定其德嘉氣珠宜於鼎彝近精神更藉琴尊加自菊之外
皆菊有沈古澹泊不可誇惟其有之是以似宦翁於汝無疵瑕
長安花事疾如火開落代謝紛及瓜獨抱秋心貫冬節澹交久
敬邇愈遐疏枝冷蘂爛相映酒龍詩虎恬不諱卻看門外車馬
色紅塵十丈爭遮遮人邪菊邪共一靜合我念慮無由邪覓詩
一字不可得未肯綺語供搗煩君靜坐寫花影佐以竹梅蘭
蕙芽天然粉本應記取枝枝葉葉晴窗紗時索君畫

琉黎廠火神廟肆因穴不得游十八日始至廟肆散矣

乃得蓬心先生畫一軸兼有陸篠飲汪韓門題句次韵
志喜 丙午

新年廟肆百物萃奔湊土庶來侯王就中書幘積成阜眞贗雜
糝齋短長楮繚濫把丹墨染題躩更矜瑜錦裝惜哉百嫫不一
覩俗眼自眯塵沙黃我來後時廟肆寢狐兔掃盡千圍場意行
目涉觀此畫街前疑立頭屢昂追思蓬樵下筆始紙上先有煙
雲蒼萬形涵茹入靜妙含毫一笑天茫茫水回山轉不及住拙
哉鞭石勞秦皇攜歸越宿再展視初瞰舊豔升樽桑數聲歎乃
起何處懷鄉望遠增仿徨門前車馬寂無影寢落樵徑攀漁牀
蓬心先生畫大都
皆吾鄉蕭湘景也

題朱建卿保石圖

雲谷書堂吾未到詠花詩舫侍游頻丈人氣壓千峯小令子才

東洲艸堂詩鈔卷十二

七

兼百璧珍冷抱奇礪撐雪骨澹將古色鬪松鱗社公酒熟同斟
酌醉入當湖煙雨春

汪篠珊同年將歸省出壺園語別圖索題

當年持節過吳門讀畫談碑遇哲昆

余於己亥使關
旋始晤巖芸

圖書翩然

來眼底風光忽復到壺園歸裝整頓春程騎遠驪先開夜雨尊
渺渺余懷最悵觸故人多少在江村

次韵敬和潘吳門師相除夕詠瓶菊

金英不逐九秋殘廣廈從來大庇寒欣對日精浮柏醕靜調元
氣卻芝餐風霜自抱春心在桃李爭將晚節看更有占豐門外
景雪花如掌向空盤

題戴雲颿寒齋味雪圖

一冬不雪天色枯麥穰化塵林渴烏冷花驟開春與驅蟲失厥

螻蛄蘇寒齋居士額睚負抱古雪凌嶮不關四氣爲斂
數十齡羈孤鸞鳳雛釐滄葛製何有無味雪之味苦甚茶欲吐
更茹回道腴口不謂難神理扶胸中騰翰造化鑪謂雪苦者天
可誣甘比靈飴滑如酥益志壯骨澤髮膚醞釀彤神成龐儒發
爲文字光明珠泥淖脫離青紫紆抱我清光城闕趨逢人語雪
誠區區願同世界歸冰壺各味其味人人殊意乃大疑吾其迂
暮歸閉門坐歎吁今年大雪彌九衢北風勁吹添凍塗醉臥仿
佛依菰蒲沈思未許窺妻孥吟聲澀艱甚寒竽獨味其味吾知
吾溫伯雪子是我徒道孖亦因見雪乎海水驚飛連粵吳失餐
落箸酒少沽忽忽忘味迷昏晡雪花欺人來黏鬚癸甲之際休
天誅世獲少安勞

聖謨吟腸暗轉如轆轤仍味其味沫自濡凍句颯颯從風鋪散

東洲艸堂詩鈔卷十二

八

不可拾空色俱冷交三五時相娛同味其味糟醕餉謂詩理妙
窮形摹如冰落弦風埽蕪如寒女姿寒更殊得雪精英脫頑麤
急宜取取無逸通俾知味者來合符居士笑謝言匪諛小技豈
必非壯夫平生熱腸強項顛得雪理多何可孤清篇不付書
奴越筠萬版墨千銖口吟手寫不自劬更將詩外沈沈意畫作
寒齋味雪圖

題戴筠颯山載筆圖

門外車聲有底忙酒酣能作次公狂寒齋詩味銷淡雪夜雨歸
心落點蒼桑梓必恭見風雅山川能說是文章蘭臺諫紙看濡
染直筆彌爭日月光

閏端午日韓小亭招集龍樹寺作圖紀事

一閏端陽二十年舊游迴首若雲煙梁園韻事人琴杳古寺清

樽樹石圓佛界妙延塵外賞詩懷澹似雨餘天書圖記取鴻泥印漫遣花光照別筵

丁亥閏端午余與子毅弟游汴中宴於湯徽堂廣文齋全薇翁及毅弟俱作古人矣

潘季玉常博集同人於南星門外之頤園餞陳頌南給

諫頌南有詩次韵奉荅竝酬季玉

晨興趨史館不暇窺我園歸來甃一憩艸艸沾盤飧潘子翩然至其氣如朝曦招邀郭外賞藉滌塵土繁煙波疑梓澤坐客有陳蕃方焚柏臺艸言歸海上村吾道有通塞公論無輕軒卽今黃口兒能誦青蒲言同心難爲懷絮語不及喧鹿鳴感其羣蹤迹分各矚別思如涌泉瀉向琴與尊涼雨下寥廓清風滿乾坤流水市亭宇汨汨知有原蓮花君子性香遠氣自敦且盡今日歡盤桓復盤桓

題宋芷灣丈尺牘卷爲戴筠颿作

東洲艸堂詩鈔卷十二

九

妙詩長札眼飽經累數千字繁比星當時愛士有特識勛哉筠颿偕簫庭簫庭已矣筠颿健甫脫郎潛來執憲弈猶珍墨簡多遙遙同證丹心寸豐湖水遠海有煙典型好在資流連樽前一掬西州淚引我回頭四十年

題宋芷灣丈賦稿

嘉慶壬申大考

帝京賦丈攜稿過寓見賜今始檢出装成橫卷

先公執友芷灣老我獲侍書髮未燥醉中落筆風雨驚破壁高牆滿詩艸班張賦手寫

帝京榮華天秀聲鏗鯨鯨前手稿出付我謂當攜藻來蓬瀛過眼年華疾如駛我甫壯年公遽歿晴川高閣焦先亭大字華星

照江水

晴川閣焦山俱有公大字題壁詩

題袁介庵丈海塘籌禦圖爲學山比部作

治河有上策不與水爭地惟有捍海法寸壤不容棄石塘雖堅完剛者柔所忌況越二百年焉能保堅緻嗟茲七郡民日傷蛟龍睡且幸今茲豐那計明年瘁沿海多官職非盡不解事體大識必絀任重力先蹟偉哉袁丈人積優一麾寄雖膺一郡務淡維天下計晝行蠶鼃隨夜寢波濤墜捐金辦官民買石別難易時帥有林公當代棟梁器倡率先和衷熟籌見淡議萬聲奮揭興千里風潮避厥後祇增修創物誰爲智丈人雖已矣九郡實拜賜桐鄉永尸祝峴首餘涕淚方今時事殷此其一隅例願將圖書傳庶風於有位

毛西河朱竹垞兩先生游西湖圖本鄭芷畦所畫後來

羅兩峯爲翁覃谿摹之朱野雲爲法時颿摹之羅本治

東洲艸堂詩鈔卷十二

十

鄭本朱本又沿羅本余得羅畫韓小亭得朱畫小亭索

詩因書兩圖後

康熙辛巳暮之春同游西湖約七人或三日游或十日

據西河詩語止

三日游而竹垞詩則約有十日

相逢筍蕨鄉中頻寺樓同舍有鄭子湖心柳陰

來寫真顏得二老入圖畫冷落爲顧吳周陳涉筆誤記歲壬午

覃谿據之徒喜新二老詩詞可覆視歲時人地堪詳論錢湖十

詩證圖史南山雜詠披莽榛水仙之祠訪不得高風眺望空遠

巡一扶杖行一挾卷氣含諧煦忘嬉嘖當時論議有和諍斷斷

尙書今古文湖山一與滌懷抱鉛槧老去歸真醇兩人百五十

三歲遙遙伏鄭爲朋鄰同游諸子雖麗藻古意默契誰由伸鄭

君作圖有心者箸述固是查厲倫吳興郡志石柱記想就游舫

諏商勤不敢參列顏已像圖尾跋記詞清溫兩峯野雲遞逐寫

三圖相嬗無合分我與韓子各藏度沿緣覃谿與梧門題詩百
紙不盡意心香一瓣惟經神家承

賜書吾與子未免逐逐車塵奔及今無成老且至漸恐後來泯
不聞新秋殘暑送不去叩首前哲餘歎呻題詩湖上舊游徧十
年回首空煙雲

王曉屏畫菘

斯民不使有此色此味何容一日忘嘗徧官庖官酒味從今更
覺菜根香

葵菟瓜茄次第餐不勞菜把問園官晚菘獨占三秋氣飽喫還
宜墨寫看

笑我閒官如老圃土膏風露有餘馨家鄉菜種年年到砌角牆
根曲彖青

東洲艸堂詩鈔卷十二

十一

夜雨君家翦韭曾門前還有打魚曾何年投老相還往閒看雛
孫上樹能

題五洲圖

北固風煙接五洲初霜時候我曾游千峯急雨如奔馬十里蘆
花不見鷗棕笠還山成久別雲嵐揮手浩難收畫禪忽向鏡前
證寢墮江南一葉舟

蔡友石先丈歸養餞別圖爲小石題

人生事忠孝出處理易闡每因升斗微致有風木慘又或陟華
要高位如曾鬻烏私更難遂恩重縮其瞻峩峩先丈人陳情

帝容感卑車過其歸同朝羨且領故山方榮萱回味比食橄蔥

蔥晚香莊板與來憩覽時作嬰兒昵白髮儼垂髭養終不再出

孝思自視歆平生無歧嗜書畫飾錦贖卽今墨綠堂炳炳峙珉

藥惟其淹雅性夷潔無點黜濟時作邦楨任事有一敢一朝賦
來諗名位泊而澹屈伸進退際流行止以坎中懷默爲樞羣語
無可撼江南水如鏡諸岫明菡萏豈真戀林壑何遂老葭菼虛
舟順自然萬景入寢噉丈人今已矣宿艸悽碧談耿然古情性
光氣如可掣當年獎契淡見詡同耆歌蒼涼展遺圖淚滴墨爲
黜

書姜開先畫冊用蘇齋韵開先名承宗其姓一姜一宗
姓宗名灝姓姜名承宗實一人也陳壽卿藏此冊屬題
衍庵卽衍園畫有南宗禪於字寓微尙廬山之開先巨眼老宗
伯位置吳黃閒我但覺畫妙未暇涉言詮自從五年來不見江
南天橫嶺矮於枕正好敲眠看有時一笑起著我湘浦船是由
古情性化作眞雲煙安得艸堂圖翩然來几前鐙鐙證畫脈摩

東洲艸堂詩鈔卷十二

十二

詰定開山

冊中陳眉公題曾見盧鴻乙艸堂圖知摩詰畫脈所
自來散爲蓮巨龍眠襄陽勝國四大家鐙鐙相傳至

開先也

黃端木先生萬里尋親圖冊爲李寄雲前輩作

荒煙黯黯孝子面危峯巉巖孝子骨繁星苦霧孝子淚懸流迴
湍孝子血冰雪嵐瘴霜霖風足踟萬險心騰空山亦不能爲之
盡水亦不能爲之通烏乎山有盡兮水有通孝子之孝與人將
無同山無盡兮水無通孝子之孝迴闕於蒼穹蒼穹高高孝子
渺冥持默護侍二老還家舞衣二十年迴想去來蹤了了試寫
一幅心先奇再畫兩紙神爲疑八幅十幅數十幅如駭如笑如
顛癡傳之千百年後世孝子之畫非畫師古來多少丹青手可
憐生氣何曾有孝子之畫非畫師說與畫師能解否根淡實茂
花葉舒畫者況是藝之餘文字勛名照天下不闕忠孝飾虛車

題龍樹寺菴葭移圖

葭爲蘆與葦菴爲蘆與菴菴細葭華粗同依川澤產若稽爾雅
文其萌皆曰藿於義爲權輿厥音爲縉縉音縉縉見郭注以其瑟瑟

形復有蕭蕭響增人望遠情心目同一往秦人賦秋水懷賢周
道仰令我亦何爲根觸憶者長滌惟少壯年八表平蕩蕩諸老

還食餘閣上恣吟賞莊開尺五近亭接陶然敞惟城西南隅野

寺紛在掌每當春秋禊勝地集輪鞅說經印源流論古入元象

酒社極雍容詩壇紛泱盪高談搖樓臺幽思竄菰蔣風流自接

續儒雅重吾黨誰期十年來時事難撫仿彫零歎老成挫鬱有

忠讜文采遂蕭索園亭多廢莽陶然亭址五莊荒我時驅車至風日明

曠晃槐龍有孤根蔭美節則枉寒僧邀看菊對酒意多強菴葭

浩無際依然似疇曩前日秋風來怒捲波混濊昨日繁霜下離

東洲艸堂詩鈔卷十二

披互依仗悽然感今昔俛仰空蓋壤如何不懷思懷思成惚恍
乃知縉綵義古語發今想浩蕩江湖天何時理歸枓

送鍾官城北部歸養

長安滿落葉西山隱寒暉鍾君忽俶裝舞綵趨庭闈自從結清
鄰庭樹連芳菲披衣有談笑論古忘寒饑藉聞庭誥盛治諧龔
黃希本其蘊道實敷爲大用腓早還復超邁高情不受鞿兼有
內助賢鹿車挽依依怡然遂忘老不覺偕古稀鍾君本家法學
宦無脂韋謫然孝弟容發爲文章輝賢哉以善養翁壽不待祈
遙知倚閭笑笑拂游子衣朝賢富詩句滿載瓊瑤歸

王雁汀贈蛤蚧示子敬弟

丁未

粵山直叢叢何以產蛤蚧山中太初氣如須彌納芥陰陽非二
氣感應止一嘖微蟲秉其靈鳴躍託山隘想當沕穆世人類等

羽介雌雄自相因氣血無瘳瘵自有先民智肌骨開天畫百爲
方萌生七情各騁使勞生既多途生理乃爲懈創興禮儀肅以
爲起居械防欲欲乃溢衛生生易敗造化一小兒竟爲神聖賈
不見比翼鷦亦有比目鯨乾坤大父母是生六子卦兩儀有常
形少見乃多怪浮生去古遠守身凜前戒跬步有不敬百疾從
此屆眇茲微物性靜悟得懸解同生天地閒氣候別復丈羨汝
居溪山艸昧自成界吾儕墮人事外莽中先德藥力故相資枯
腊入煎鞠於人何所尤用乃等蜂蠆吾弟宜慎旃古方有法戒
諄諄太史詞善言聞則拜

題吳荷屋師手撫高房山山邨圖卷

有水皆可樓有林皆可屋但懷瀟灑志未妨在天祿憶昔又一
村侍賞重陽菊文章事業餘歸心時往復公餘肅有念悄若鶴
立獨後來賦遂初南海有盤谷平生松桂操不負故山木公乎
今已矣遺編爛盈目手撫山村圖著墨少愈足余懷一憮然幽
居幾時卜

東洲艸堂詩鈔卷十二

十四

爲林鏡颿題許甌香先生畫冊

冊爲健翁大宗師作其子月谿購於浙中孫雪村乞

國初諸老題詠王漁洋詩云甌香真擅八閩風蒙叟題詩
論最公今日濤園圖畫裏重教流恨滿江東注云牧翁

撰吾彖集寄余詩云此集因許有介而作八閩風先生

句也此事四十年往矣石林卜築此幽棲浩劫重新路

未迷仿佛風流吟七字野航人遠鴈聲低注云櫟園侍

郎示余名入畫冊有有介先生題句云云余深愛之今

亦四十年矣後題康熙己卯花朝前四日玩漁洋詩意

蓋因先生高行不能無慨於錢周也雪村而後不知何
時復失此冊至先生六世孫香士舍人復收得之其七
世孫熙亭孝廉轉丐林鏡颿編修持示索詩余自見櫟
翁讀書錄卽急欲見先生畫幸獲披對又感漁洋詩意
輒成一篇

昔讀減齋讀書錄友詹愛寫娟娟竹渡黃河北心挽縱變作蒼
寒萬枯木今觀此畫殊不爾筆勢數腴秀堪搗山雲忽作破蓑
破江石復肖秃翁秃鏡下山妻補破蓑村南老秃翁皆冊中題畫句也濃嵐厚暈酣有
餘窠石疏蘭清亦足野航疑載鴈聲來用漁洋題句意荒樹全迷鴉陣
肅始知眞放本精微想見高懷媚幽獨早師鴻寶學用世晚寫
淵明詩滿屋三山風雨助吟嘯萬態煙雲隨起伏蠶尾詩題浩
劫餘四十年前情往復蒙交櫟園應媿歿畫裏滄桑那堪讀當

東洲卅堂詩鈔卷十二

十五

時繚楮付零墜賴有佳兒重購蓄誰期畫妙更通靈刻去珠還
傳世六承家守器不厭愚傳笏傳硯誠區區何如煙墨手自寫
更有妙翰新詩俱恨我昔持閩海節未訪夕佳樓在無今晨展
畫發遙嘅宛見掀髯孤鶴孤自聯海岳千年契不入梅村丸友
圖

與張受之論刻石用坡公墨妙亭詩韵

學書退筆如邱陵心志自下氣力騰懸臂兀兀集古鬼凝眸炯
炯來秋鷹使筆欲似劍鋒正殺紙有聲鋒有棱因書頗悟刻石
理大異削脂與鏤冰刀尖所向石魄碎吾氣正直神依憑鋒宜
方銳精緊穩邪入怯出皆所憎古來金石大刻畫薄楮拓傳厚
似繪其中無巧但有拙信乎從善難如登叔未張翁金石學儀
徵師相久所朋從子侍側解輪蹄兩翁笑落扶老藤儀徵論書

重北派象分一氣如傳鐙摩厓勒碑理視此吾期與子同服膺

曾壽圖書徵徵師與叔未翁像
師書後齊侯壽歌即受之所刻

徵懷園詩廊故司農程春海師所構

園屋南鄉因迎陽乃鑿北窗連水光屋北之水少見日易夕難
曉六月涼其閒靜理有萬族蒲荷艸樹同蒼茫樹頭鳥聲特幽
脆石根蟲語皆堅蒼徵懷之園本天上

內廷儔直玉佩鏘歸來遐思亭宇靚尊彝屏几爭輝煌此閒一
物無可著僅容茶碗兼筆牀司農吾師發幽想謂宜賦詩與置
廊當時海宇正清宴賡歌喜起如虞唐十年一曠成故事水外
似有吟聲長

吳勿庵丈邗上艸堂圖次原韻

逢山卽躡屐遇水輒命權高澗能娛人何必吾土好穎中棲六

東洲艸堂詩鈔卷十二

十六

一陽羨遲坡老豈徒曰達觀此意知者少西冷吳丈人吟毫萬
象繞官躋卿月班詩愛谷音艸平生濟時願思澤羣生槁頤其
澹蕩性又欲歸休早邗上偶卜居幽築未嫌小看山健吾行未
疾焉用禱

魏春松丈官舫侍膳圖爲條珊親家作

溝通江淮吳城邗改道馬瀨始建安歐陽邵伯晉兩埭開皇創
引茱萸灣南高北下古如此淇澤淤高反是矣河不由湖湖夾
河兩旁設閘邗湖水水行緩緩風翩翩綠楊兩岸青可憐使君
精敏了公事官舫化作家門船跪聆嚴訓親潔膳須麋豕服孺
子面晴山煥樹愉婉色野鳥游魚性情見從孫農部我世姻示
我圖畫色尙欣五十年前古墨潤秋堂展出淮南春我曾持節
閱茲地其年先公典京試衡文佳譔良罕聞侍膳奇緣卻難例

卷中諸老誰揆驪秋倉隸寫覃谿詩人閒忠孝相關處天意江

山有夙期

小松司馬摘覃谿閣學詩中句爲先生作八分楹聯條瑯甚珍之謂余能作詩者當以此聯見贈也

龍香御墨詩爲潘季玉作

有明隆慶朝善政不勝錄楊沈予贈廕海公先出獄堂堂張江陵特鑿自講幄賢輔貽後嗣乾坤爲轉軸惜哉仁厚主睿齡才卅六一劑龍香三百季想見幾餘硯波馥曹公石墨空兩甕隋宮萬斛拋蛾綠豈如規圓三寸徑珍祕流轉等球玉鬼神呵護歸詞人芑堂得之傳未谷諸公題賞更於重後有翁孔前吳陸吳門公子又何賢重與包纏宮錦絳傳觀索詠先到我展誦惟防手汗觸詩成一笑墨磨人走向東鄰醉看菊

適王雁汀學士招飲賞菊

十月十四日拜潛邛先生生日於苻露書屋呈主人張石州及苗仙露呂鶴田馮魯川楊藹亭王子懷何願船

東洲艸堂詩鈔卷十二

十七

時余甫於廠肆得古文尙書疏證五卷寫本後有潛邛自跋云五十三歲屬閩中謝君畫禮堂寫定及傳與其人二圖秀眉明目觀者咸以爲康成不知實以余像代之云云余卽以入詩石州見之喜極詫曰作年譜時爲何不見示余曰前日才買得爲今日拜生日詩料耳大奇大奇是豈尋常翰墨緣邪直是先生精靈來感發託付矣敢不承敢不承吾與石州勉之護之

五月廿八顧子壽十月十四閩懸弧月日盈縮宛相應二子學術固合符亭林祠庭夏雨潤羣賢紳佩來于于今晨盍簪八人耳苻露書屋酒在壺主人晉產語座客吾敢有私閤子乎潛邛樸學務精鑿與顧博大體略殊遺書讀者或頗罕何事槃敦紛招呼同心者學得數子景仰亦覺道不孤貴從微尙審得失難

與俗子論肥癯我思此語未云盡理固有漸事有需昔年顧譜述且作甄輯前滌車徐胡今年閩譜君搨構急墨諸版祁司徒兩君生平廿載隔二譜竝出相唯俞它年承學稽覽揆略似夏歐冬則蘇余惟潛邛少也魯成童頓握靈蛇珠日程月課劄記作四十乃敢凡見數尙書古文破積矣每一卷就多踟躕華頂羅浮早藏皮禮堂寫定先製圖圖成五十有三歲後至易簣功仍劬艱難審固無此比心力真挾金石俱精神不朽可百世自亭林外孰竝驅將來禮官上論列宜侍

聖麻馨鵲觚辨生末學冀速化浮漂慨似風中蒲太原經神有

繼軌主人碩舟今碩儒碩舟昔游江南余附書寄阮太傅師師復書云碩舟乃碩儒也表章前

哲啟後雋薪以火傳鼓應枹良辰敬效拜經義秀眉明目奚從

摹聞中謝子不可作何不且倩吳門吳謂吳冠英我生半百百不就

隻義偶獲嗟已膚門前車聲疾如雨書卷恆被塵土汗寒齋展

侍氣一肅敢不十駕勤鞭駕

爲潘星齋題戴醇士畫冊

翌楮必翌墨翌筆兼翌思萬事翌勝滑此語學道資溫溫鹿牀子於畫乃發之醉翁爲我畫冊因紙翌遂於跋中論翌之妙今爲潘子作又以不翌

爲嶄巖見精采修潔生華滋江湖天渺渺泉石風猗猗想其落

墨意淳蓄有餘姿潘子使滇歸擊有飛雲奇萬變象造化天馬

豈受羈鹿牀相視笑如木宜就規且當務精實未用追嶮崎我

性益有畫才分苦不隨覽古涎滿頰握筆指如槌小窗雪月夜

抱冊幾成癡歎息還遣去聊爲疥此詩

十二月十三日陳恪勤公生日黎樾喬侍御劉佩泉舍

人袁漱六編修招同曾滌生閣學黃琴鵬吏部胡光信

周苻農孫芝房三編修徐可廬大令展拜於湘潭邑館
屬戴醇士侍郎畫公手植古槐圖徵同人詩敬賦長句
聖清楚南二百秋名臣第一陳滄洲忠誠懇款爲
國謀捧赤心奠黃河流

聖祖眷公借箸籌彼張與靳非可倚人皆欲殺
恩益優入職治書出建旂嗣逢

憲廟初垂旒鞠躬盡瘁

天顏愁一節終始無瑕尤烏乎甲子僅一周綜惟勁節兼宏猷
炳炳國史聲光迺

兩聖特達蓋有繇匪尋常於幹事求當時詩案紛戈矛不罪而
功

鑿盟鷗內志澹定骨靡柔能視富貴浮雲浮燕處超然閱蜉蝣

東洲艸堂詩鈔卷十二

十九

筇笠日向巖巒投石村濤谷先人樓水東魂寤勤鋤耨衡雲洪
濟湘清瀏窮高攬秀輕公侯好奇蚤作閩中游鼓山陟顛見琉
球武夷去躡虹橋幽仙心澹蕩不自由小詞頗學黃涪州壯年
作令柯山陬石梁仙杵溼龍湫西湖小艇追輕儻錢塘觀潮弔
錢鏐嗣乘五馬鳴八騶及再入獄再出囚東南山水供吟眸有
奇必發祕盡抽大茅山穿句曲句再登北固懷蕭劉焦山鶴銘
字如虬二千年與濤瀾仇拔石出水回萬牛江風海兩空相接
祝江蕩亭考蕩亭同蕩亭檣蕩亭汪張圖記徒咿嚶我曾聞海乘使輜游
蹤躡恣差與伴余使閩登鼓山絕頂游武夷九曲與公游事頗相似柯山祠字肅薦羞題
句在柱當歌區余過西安游爛柯山謂公祠題樞聯云大鳥三
來山必手又曾屢向松寥休氈帷磊落自襄兜波光石氣侵衣禱至馬
拓鶴銘想見古懷浩不收養成大節中優游餘事包羅蘇米歐

詩聲玉磬書銀鉤零縑破扇珍藏句

余藏公書一扇二擬購貞石與雕

鏤中湘諸子多枚鄒編年譜月方甄蒐

拋高諸君方

先後遺集

琳瑯璆何不藉手竝輯哀快須完取千金裘

道榮堂全集無初刻詩集

中湘

邑館如置郵公題麓舫與虛舟

武英再直金匱紬實久寄此同拙鳩手植槐棗蒲桃榴園丁送

花列畦疇遐食歎傲遺煩憂城西好友富唱酬百三十載如泡

漚棗花香空槐蔭畱槐根礪礪枝蚴蟻清風竟日聲颺颺時有

野鳥來嘲啞江湖遠意懸悠悠想公電目須髯影時坐樹下靜

校讎亦攀庭柯掉吟頭宜撫畫幃傳詩篲思人愛樹示不媮覽

揆良辰潔脯脩中榆戒寒酒新篳主賓展拜肅卷鞞十人圍坐

相綢繆豈徒得食鹿鳴遺文枉案酒注

甌拋喬前輩

快飲

莊讀頊儒寥何殊侍側衣同樞元化混混無停軻才俊接續如

東洲艸堂詩鈔卷十二

二十

薪標誰安鴛蹇誰驂後賢可不承前修欲雪未雪寒雲稠有

鶴南飛過巴邛石潭敞廬無恙不東山霧雨滋松楸

公墓在東霧山

香光畫青山白雲圖竝題云青山白雲父白雲青山兒

白雲終日倚青山不自知陳勾山太僕題云此罔極之

思也又香光書禪語一段有云往生經云人从聞一佛

名號皆可解脫諸苦此書及畫皆爲條珊親家所藏條

珊合裝成卷余覽之愴惘不能自任時丁未大寒呵凍

白雲青山兒青山白雲父此語果何謂讀書成悲楚孤兒有父

不如青山父雖有兒不如白雲青山白雲自終古父兮父何

處所聞佛名號脫諸苦念佛千聲竟何補捧圖還君不能語兩

人相看淚如雨

東洲艸堂詩鈔卷十三

道州 何紹基 子貞

題張仲遠海客琴尊第二圖

圖為高麗使者李藕船作

戊申

萬樹春煙綠漸鋪題襟投轄萃閩儒要知中外同文意看到琴
尊第二圖海國吟蹤幾鴻雪藕船比江天別思滿菰蒲圖中諸君若陳
頌南姚湘坡趙伯厚莊衛生汪鑑齋馮景亭潘順之補之竝主人張仲遠俱不在都無端離合傷懷抱酒
醒空亭月一瓠

漫書冷泉秋話圖後為朱誦清

十七年前湖水濱芒屨竹笠壯游身披圖步步涪痕認春艸秋
葭一槍神余昔與諸弟及許印林楊性農晏筠唐胡光伯王亮亦久不相見矣生游湖上皆竟日步行今穀弟與筠唐作古人諸友
尙憶西湖六月天行輶剛趁曉涼偏冷泉亭上三人影鴻爪迴

東洲艸堂詩鈔卷十三

頭又九年

已亥使閩過杭州徐新齋同年酌我與蔡玉山前輩於亭上嗣後未再到此亭

兩君蹤迹淡煙溪千里相思步履尋日日煮茶亭上坐泉聲代

汝話秋心

曹嵐樵給諫訪君於湖上因有是圖

步月宵尋龍樹庵雪光如海是城南湖山夜色參差似止少梅

花枝兩三

前夜大雪後與翁玉泉路小洲俞麟士游龍樹寺陶然亭雪後大月一奇觀也

送趙迪齋出牧廣順州卽書蘭友丈書寄呻吟語冊後

自我先公時丈人情最親芝蘭同譜契竹柏歲寒鄰逮君伯仲
閒及我弟若昆氣誼亦何厚兩世成塵因念懷酒杯外結賞新
花晨道義有切磋嬉笑相彌綸惟君負奇慧頗薄制藝文天官
地形言毋弗絲不縶一第竟不就得官去牧民黔中吾舊游山
高地多雲一州徬行省政簡民氣醇弗謂僻且遠人事萬里均
願君策良鶴早稅黔江濱因俗與爲治習勞充厥身高堂北望

遙大有承歡人手墨況寄示累紙言諄諄呻吟述在昔提命宛
從新但當勤展繹何異親晨昏仲子送兄行別思車轉輪揮手
自涯返鳴雁高空聞

侍潘芝軒師相小飲龍樹寺敬次喜雨詩韵

東風桃李盡含姿野寺虛堂洽宴私古樹虬龍懷往跡淡春燕
雀見天慈琴尊寫抱身彌健袞繡調元化若馳燮理功崇推
主聖連番賀雨又成詩

黃琴塢仿程青谿臥游圖卷題示劉寬夫

平生不解程青谿畫名垢道殘髡齊臥游圖曾五六見幾曾脫
盡恆町畦邇來頗詫黃琴五六法精能日近古何事低頭程侍
郎拚耗春宵雙蠟苴君言此意人未知吾特寄耳豈效之規撫
暫以法盡勢造化依然心得師假借經營藏樸怪鋪寫奇懷良

東洲艸堂詩鈔卷十三

一

一快筆鋒卓處竊願攀墨陣疏時還可戒湘清瀟碧吾所鄉亦
思濡染規大荒可憐一筆不上手空有千峯撐我腸芳樽促坐
豪翰客愛畫劉侯更同癖待看對雪寫松筠未用倚牆論黑白

集禊帖字題伍燕堂丈流觴圖

此老少時懷抱暢靜觀激浪會天彭一室雖然竹外坐萬山氣
向足閒生於今修禊作生日歲歲年年鴈詠清惠樂期茲臨水
曲隨風散帶寄幽情

乞畫圖顧子山比部同年屬作

子山愛畫俛而乞術出巧偷豪奪外西橋藏畫乞卽與所付得
人從割愛魯川聞之走告我頗訝嗜痴尋杖芥讀書方知是非
偶彥冲往矣我心拜滋融書味得蒼髮髯高人通譽歎平生
塗抹定無數妙畫通靈同一蛻褊紙淋漓才幾幅世閒流轉真

織芥千百手眼貴多閱癡涎韵汗相黏帶庶免零珍墮劫灰長
皮淨几充詩械它人若從顧子乞切莫吝慳須慷慨

張石州次韵見贈復答

東柯西枝兩農父所居城中似城外煙雲不到學底來但逢妙
畫都能愛劉跡吳藏今餉顧兩詩爭向淨楮疥雖云韵事亦細
碎何爲冑下龍鬚拜昔聞或作蒼莽游見似人者喜而歎憶從
北游落塵網如蟬與蛇蛩難蛻故山久別寢偶到寢泛江天舟
一芥狂風吹帷急推枕熱客到門愁束帶斲宜讀書比看山便
擬倒冠如脫械乞畫何殊借山隱與君更慊他人慨

感竹園圖應瑞邱教

綠竹美衛武受諫有文章文章視筠節虛受中含光至今淇水
上餘韻滿篔簹王芻與蕭竹毛義非所詳賢王秉至性少孤悲

中賜

東洲艸堂詩鈔卷十三

三

賜居春澤園萬木環奇壑中有水鏡齋夜月明虛廊惟茲竹半
畝手植自先王娟娟媚煙雨肅肅經雪霜風骨金玉堅暉采鸞
鳳翔卽斯典型在但矢愛敬長當年手植時老僕實在旁於今
話遺事竹意搖蒼涼淚滴竹下土逆筍益成行從茲千萬個葉
葉衍芬芳有必終不謾賦詩增俚俚

伊少沂見示劉文清爲尊甫墨卿丈人作書竝丈人自
書文清詩合裝卷奉題一首

文清專詣固在書日揮百紙擊乃舒至今流轉徧天壤眼中日
日逢瓊琚韵語闕惜不謂足慧力風趣書之餘墨卿丈人錄成
卷意在表微仍叩虛藝雖兼進有偏勝難排公論於私譽丈人
八分出二篆使墨如漆楮如簡行艸亦無唐後法懸崖溜雨馳

荒蕪不將俗書薄文清覬破天眞關道眼畱春堂詩春水明乃
與諸城竝涵演推挹想見古情性惜未侍側聞論辨少沂作吏
治譜存作書亦惟家法算貶余十字在齋壁時令愴寂懷汪倫
十餘年前與少沂未相識承作隸聯由汪孟慈處贈我今孟慈已作古人矣積年思慕始一見酒杯
波湧詞瀾翻般勤索書乃到我風尚雅其前賢敦篆分真艸止
一事或源達流流滌源連晨大雨繁艸木枝葉浩瀚皆本根

孔母陳太恭人壽詩爲繡山舍人作

魯東家氏大宗合陳太恭人九秩登苦節天酬名祿壽春暉庭
繞子孫曾傳經三世盛圖詠崇本一堂虔酌烝漸屆稱鶴還訓
誠夜燈紗幔字如蠅

葉潤臣風雨懷人圖

展畫常如促邴俱相忘萍迹隔菰蒲庭柯不改炎涼色句律應
東洲堂詩鈔卷十三

四

傳主客圖風雨雞鳴燈一粟雪泥鴻爪酒千觚祇余江海懷人
徧落月停雲別思紆

爲王子梅題乃翁松隱行看子

何必柴桑隱荷清雁鶩行時來松下坐古意到羲皇

王子梅盜詩圖

膏火自焚木自寇性靈自洩誰與守况兼鉤距窮物情造化難
肩百穿漏詩先有盜盜乃生盜詩者以不平平勸君從此但寂
坐剖斗折衡民不爭

陶然亭餞俞麟士出守嘉定

疑野小軒常潑墨翰山高閣共尋秋幾人舊雨能狂醉一夜蘆
花起別愁班傳循良先蜀守唐賢蒼莽有嘉州它時重上江亭
望極目西南羨壯游

松緣畫禪劉寬夫黃琴鳴合作

故山未了種松緣，幾素心人證畫禪。難得兩家風，亞筆忽來竝。
几雪飛天生，枯非繫墨麤。細宏偃妙連，庚後先它日。梅師真本
出，可能根巨擅前賢。

黎月喬侍御酒後索詩贈別疾揮而就

齒牙未及脫鬚髮，初欲蒼行步健黃犢。年甫半百強，何爲不自
釋。日日思歸鄉，君言非退尙亦非。有激昂自點烏臺，職諫紙積
盈筐十疏九不報，甚愧愚且盲。慙可避賢路，游興江湖長。庶幾
身世理推究，轉精詳或因箸書老，永付名山藏。或爲出岫雲，與
世敦農桑。出處後難卜，臨分祇傍徨。交君廿餘年，情好如弟兄。
切琢枉道義，氏屬有文章。每懷言笑際，元氣到混茫。槎牙不及
斂，往往見鋒芒。豈真好馳騁，甘蹈疏與狂。中有不獲已，冀挽俗

東洲艸堂詩鈔卷十三

五

頽唐幽思互，珍闕直道勉。扶襄臭味久，益合蘭蕙聯。芬芳同志
豈能多，比歲多分翔。君復別我去，疵謬孰相匡。驅車歷燕齊，因
循過徐楊。旋飲章貢水，始及衡山陽。同時普霖潦，行省皆報荒。
飢鴻數十萬，哀號不成行。世離方滿眼，能不悲中腸。惟當過其
行，早熾湘中航。天下山水秀，無有如瀟湘。屈宋始摹續，元柳更
張皇。幽深最無際，曲折實難量。湘山不負人，自狎壘土黃。羨君
此去好，脫落篋與裳。布衣濯水源，竹杖破山光。家園萬梅花，開
出山酒香。好其老昆季，亦喚兒孫嘗。回首望京國，一癭醒黃粱。
如有田家詩，爲我遠寄將。臨行就我酌，菊花攬屋梁。月色亦何
好，夜半天欲霜。離緒不可理，語笑慙成場。日下才士藪，投贈鏘
琳瑯。我詩誠艸艸，未免別懷傷。

西谿銷夏圖詩

西湖天下勝游跡人人說豈知西湖背西谿更幽絕西湖如佳人
精豔足怡悅西谿如靜女深屋自冰雪我曾谿上宿正值初冬
節蘆花浩如海小艇來飄瞥夜眠谿上樓心神耿清澈不知在
杭州何況塵土熱彈指十年事湖山成久別翩然圖畫來煙
水百曲折詩老發高詠僧語亦頗傑我生惜已遲不共吟槩掣
但覺空濛景未隨塵事滅哲嗣我所敬敦詩續前轍畫梅枉見
贈花寒枝屈鐵西谿及歲宴梅花萬藥苗君歸急往游窺破古
春泄更作吟寒圖足與銷夏埒

五十歲初度日題所藏翁題延年益壽瓦當拓本用蘇
齋元韻四首蘇齋五十歲時宋芝山以此瓦爲壽爲芝

山所收三十四瓦之一

北堂護華九九春正符延年益壽篆庭前矩法儼鍾郝漢冬起

東洲艸堂詩錄卷十三

六

居謝俞扁年來老淚愴頻揮翹欲承歡俟難選今晨跪拜慈顏
開謂呱呱時如眼轉先公授徒寒把書米鹽缺乏况豐腆學兒
墮地天未明裏攜雙襪真敷衍自翁或譚聿斯術是兒有福天
俾戩欣承父貴隨京居束髮受書測訓典漸聞時譽聯璧誇豈
料中季一枝翦兒今半百吾亦歡壽夭難齊古不免俛聆慈諭
俞且唯惻楚在心從割勉連宵癩寐多驚噓萬緒蒼涼迫歲宴
靜思煩惱總虛空貴竭婉愉娛聖善敲門詩客幾人來翠墨傳
觀畫簾卷子毅弟與余學生外別忽十年矣今年慘痛頻仍
尤難縷述老母恐兒傷感特命置酒勿許拒席客
黃花開過老梅馥淨几鑪煙裊寒象頻婆甘子安石榴璀璨堆
盤雜圓扁餉物者止
收花果高軒多是豪翰客閑抱亦稱濟時選

廟堂方籌穀祿平蒼赤未免邱壑轉計從夷校擾江海權與通
商安小腆行省偏災何歲無又苦霖濤荒沃衍安得元氣回瘡

庚大總降祥同被戩萬方益壽懷葛民

聖主延年堯舜典諸君歌頌日鏘鏘小子嘖嘖慚翦瓊瑤六

出初欲飛來日祈雪鈴櫺五更寒不免空江簞笠癯難到凍研尖又

差可勉吳松漕吏繫懷想三弟子敬派松江總運史館寫官多暇宴謂五弟子

思幽園貯鶴最通傲快雪臨池想安善弟勸兄酬更命酌浮動

花香酒鱗卷容散後復與子思酌於園屋

籛齋錄瓦百有二謂資說經兼攷篆延年益壽已有七或類及

璽或螭扁芝山此拓亦廁列額古神奇罕厥選三十四瓦何處

去一規未逐劫塵轉武皇誤信公孫言仙人樓居棗脯腆益延

壽觀峙甘泉瓦中季字無乃衍周承商祀始書年義重禾千同

穀戩延壽益壽嫌復重益延壽語尤非典馬書班志偶脫譌賴

此當文蓄疑翦封禪書作益延壽觀郊祀志作益壽延壽館據此瓦文當為延年益壽觀耳班志於史公觀字

東洲堂詩鈔卷十三

七

皆易為館附庸舜鼎古器銘吉語非關俗未免用斬麋壽子孫保身

其康彊詒謀勉豈若東京槃洗文富貴侯王競夸宴翁題宋贈

思逮羣我誦翁詩如拜善差同舉俗愛其名想到年年秋禊卷

連年禊祠秋祀俱以九日

平生妙結蘇齋緣遺墨紛綸萃分篆雪堂詩譜鶴銘題闡微書

稿藤籜扁余所藏有東坡詩譜小字冊卷鶴銘兩拓本音其它

蠅脚漏痕字矮紙長幅不及選卅年書籠爛收裏百世風鐙暨

流轉石華諷核媿難繼古福傳詒欣已腆得瓦且拓且賦詩六

十年歸我篋衍是翁豐鏢近九旬名壽金石終不戩我昔未遂

龍門游迄今如數雞次典書樓石墨歎零落老屋青棠嗟伐翦

區區泥范更難恃小智挈瓶早知勉落華正照秋月圓脫本斤

斤藉策勉權場古拓同時收竝佐介雅娛譚宴覃谿五初度係壬寅秋仲十

六日不宴容有詩述懷所藏榷場本大觀帖第六卷今歸祁春
浦大農前輩日內假觀閱章翁諸題知亦是壬寅七月所得
我今疏放百無進聊擬古馨資寶善忠臣孝子性情華牽綴香
風滿吟卷昨適得倪鴻寶周子佩姜思未
萬年少諸君子扇冊各小畫

再疊韻四首

樓居如闕故稱觀特爲神君垤此象黃金可成河可塞藥可不
外廢岐扁晚年忽有輪臺悔非常勤訪千里選惜哉見事亦已
遲鼎湖龍去無回轉通天高臺元可驚世宗廟食空自腆閱二
千季片瓦存屈指中閒朝市衍回環四字如欲語年無可延壽
有戩八代興亾繼兩都有唐建置存六典宋家營造法式詳汴
京臨安同滅翦仙人露盤知早折銅駝荆棘原難免何況人生
百歲稀惟宜正己自救勉寡欲差能卻病痴習勞尤貴懲安宴
不延而延不益益守身事母謀斯善自信吾亦蕩澹人仰矚浮

東洲堂詩鈔卷十三

八

雲太空卷

東坡先生五十時歲暮登州才領篆新皇元祐初御極召入延
和瞻禁扁江海飄零十餘載翩然復備論思選泣聞先帝歎奇
才翰林制誥歲三轉後來論事仍乞外坐負金蓮恩遇腆我於
坡公百無一年時推積成大衍學書未解辨鐵石看畫何曾識
牛戩四載

武英修祕文七季史館窺

朝典雅材著作媿提挈舊例繁蕪重理翦一言不合事可知懔
慨奉身甘退免天恩主人謬見嘉假物贈詩重敦勉高齋臘事
已成例雪堂介雅陪清宴靜覬駒隙凜知非且寶康瓠期聞善
主人直諒我所敬乞與新詩壓舊卷劉寬夫侍御兄約以坡公
誕辰爲余補作生日因有
此詩前年余解史館提調時余贈寬翁咸寧臨安
志蒙報以鐵鑊並勝以詩過相期許媿甚媿甚

智創巧述規巨傳磬眠倨句鍾眠篆不紛厥志凝如神承蝸丈
人斲輪扁我生粗習經史義病狂者多無擇選顧於書學有專
好早悟撥鐙窮使轉訪奇究冀荆楊豫金石遺文飫精腆書譜
應嗤孫過庭字源不薄吾邱衍篆分真艸止一事本實不敦末
易戩野跌宕官帖辨唐宋何殊忘祖空數典趨此當文僅四字意
兼斯邈浮嫵翦願益年歲長研追突盡中書任冠免身齋居士
我同志十駕千秋相助勉論學惟務博且實矜躬尤懲蕩與宴
八法定可究六書一藝還期包眾善新詩見規做寤寐酒誥俄
空寫成卷駑馬自應勤十駕良朋相與志千秋石州近撰句屬
諸一百卷與石州題瓦拓
詩意有合益箴吾多欽也

端殘月扁平格方

初冬盼雪到中榆獨鶴仰空脚踢篆蒼茫暮色雲欲合又見林

東洲艸堂詩鈔卷十三

九

隆首輔恩

誠祈正將柔日選

宵旰憂勞贊襄切九日始卜風頭轉狂飈已斂眾色喜時玉初
頌天賜腆時逢萬國來朝正

彤廷錫子豐且衍東邦良金貢首里西土名香獻棟戩瑤階薄
叢澤冠裳溫樹飛花光禮典所冀祥靈再漫渥掩映萬家春綵
翦從占樂歲長登平無復逋租待蠲免飢寒既去廉讓還盜戢
民醇官吏勉

一心喜起圖至治千安扶攜佇嘉宴

小臣

亦願年壽增吉語長

符頌禱善明朝雪候定如何勤閔呵殘凍毫卷

廿一日
親詣

三附

祈雪正吳門太傅帥相八十
寒至廿九日甫得雪寸餘是日即除日矣感而有作

賜壽之辰適值大風奇

戴醇士前輩爲畫瓦壽軒圖

我家門對東洲山日讀元銘與瞿篆輕舟直下洞庭湖回首蒼
茫失君扁十年不歸歸又出暫向黔山掌鄉選榻來五載輒紅
裏車聲羊腸耳邊轉日澆苦酒且箸書偶覓南鮮供洗腆吾師
田水久契闊宮錦文章空曼衍無田可歸年半百謬辱益簪稱
履戩鹿牀爲圖瓦壽軒副以新詩成逸典請君更寫東洲屋松
桂澗蒼茅不翦畫中著屋不嫌多秋風拔茅總知免尙憶龍阡
九子盧荷鉏負畚自勤勉願識躬耕天事近山氣晴陰風早
宴譬茲巨擘道所枉得因文字傳尤善西鄰夙有耦耕約牆頭遞
酒波初卷

西鄰謂石州

張篠浦畱飲

已酉

侍郎橐簡值

鑿坡難得閒窗共歡歌時事滿懷無可說止緣清氣得來多

東洲堂詩鈔卷十二

十

題吳冠英春水歸颿圖兼示葉香士疊前韻

江南春水初生時一波千折碧成篆蒲牙齊長乳鷗飛雨細風
斜颿勢扁不知誰是歸來船萬櫓雁聲無處選奕奕虹光出篷
背正向夕陽山齋轉吳君本是奇逸士醞釀書史更腴腆早通
畫理察九朽快遇禪真參五行可惜同心金石契奇骨中年折
張戩

張受之

與君同居松筠庵刻歸心忽指江湖遙行李忙將

椒山疏稿甫竣事卽以病歿

歸心忽指江湖遙行李忙將

縑裘典贈行韻事有葉生潑墨不惜被綾剪聞君似裝土思切
筆落魄銷信難免我託因緣在毫素能不臨歧重敦勉江南佳
士富文藻壯志易銷言笑宴但宜恢闊性靈淡庶益摺摺風骨
善此詩贈吳兼示葉非遇其人且藏卷

姜亭看雪歸得子敬書疊韻再題圖後

去年江南秋苦雨冬田無雪埽成篆京師得雪亦稀少我硯渴

荒筆枯扁昨旬飛囊才幾片枉遣詩人將勝選今晨一雪萬景
寂益壤瑩瑩色全轉浩然獨上古亭來不暇攜持壺檢腴西山
莽莽落何處不辨林壑與平衍麥根地底如伏胎生氣欲回知
始戩南望江湖天渺然清眇冷風述農典昨宵酒吏書適至葉
舟緩向吳淞翦翻翠得雨一年好早可無憂滌宜免預知禾麥
卜有年子規方曉布穀勉快收煙景入圖畫更琢詩篇寫清夏
懷人我亦江南多一一煩君問安善凍窗呵手不知寒綠波春
艸香生卷

題哦松圖

築室向何處無過松下宜聽松宜何爲把卷方哦詩百里職治
民教養兼嚴慈歡聲四野動官長不自知卻當雁鷺來日與松
風期團團鸞鳳巢宛宛虬龍姿旣非慕閒隱暫可略威儀須古
松與肖神定鶴下窺士民愛官長蘄頌無可爲惟祝使君壽與
松同不衰下有千歲苓上結九光芝芝苓竝益壽分哺萬家兒
清風時一至濤聲浩無涯洗彼塵想渴發我幽情竒如在澗山
中又似太古時靜極故善感一虛萬情隨

題顧子山花天跨蜚圖

好花十萬碧雲回天女殷勤費翦裁妙是玉腰奴解事等閒馱
取慧郎來

何處樓臺十二城閉吟風送步虛聲翩翩尙覺春駒健信是詩
人太瘦生

碧海青天花亂飛空空色色不沾衣笑它天女眞多事若箇相
從竝蜚歸

看月看花總是緣玉京春色自年年江亭昔遇仙中蜚塵海个

逢蜨背仙

客春余宴客陶然亭有太常仙蜨來集

蒼茫絮果與蘭因

因艸艸東風又送春我自騎牛君跨蜨

余曾有騎牛圖

相逢一醉及花辰

是日當偕飲呂鶴田給諫處于山又有小餘芳之約越三日是立夏矣

馮小亭秋燈夜課圖

先公使浙留視學首崇風教敦儒術與父言慈子言孝要使諸生辨華實西湖秀出小馮君弟子員中罕厥匹十年文譽藻湖山直上蓬萊瞻

舜日母節爭傳搢紳口母教即看修史筆回思少孤母督課雙影一鐙閱鵲蟀書聲高處慈顏開書聲低時寒淚出夜色墮地轉清耿秋氣感心尤慘慄蕭蕭梧竹語庭院棧棧冰霜落書帙泥金忽映雪水清使節還逐湘舟疾假歸拜舞北堂下悲喜相看如有失短檠未棄花自笑照見宮衣光滿室促兒北上勤職司想見臨行衣綫密當年初出先公門荻訓未從函丈說君今圖畫非好事用代書紳自繩律愴懷隨侍校文時敬與賦詩語皆質

東洲艸堂詩鈔卷十三

十二

唐拓武梁祠畫像冊止十四幅舊藏涉甯李氏今至京師梁子恭同年攜示因題

魯靈光殿蜀石室畫像垂訓無忘愆後來墓闕亦刻此敬恭祖舊型後昆朱李遺軫存難問邠卿壽藏空四賢武梁祠闕畫五卷德甫存目文不傳鄱陽箸錄始詳說記季實在元嘉元石無斑黃取妙好攄騁技巧良工鐫竭家所有子孫孝據洪氏所引雕鏤佛象窮厓巔莊嚴奇古亦可喜顧於聖教初何關任城自僅據趙錄未細檢釋也古翠珉聚我昔南行秋繫船余於壬午癸未閒知有此冊後知在濟甯一舊家庚子南行泊舟訪

之迄未得見 爲覓唐代古蠶蠟雨路枉把匹鞵穿今晨虹光忽照眼

癩痕一醒三十年證之隸釋字源字打本果出洪婁前惜乎止
此像十四其餘珠璧從何指伏戲畫卦祝誦作神農因宜始教
田黃帝垂衣至頊侂堯仁舜孝禹脈泉桀始乘人作殷鑒曾閔
質孝先萊蘭意者取精不尙博又或璣羽收零殘宋元藏鑿竟
無攷賢哉者古唐荆川陽羨山中月墮戶三沙海上濤掀天讀
書殺賊想挾此聖神靈氣相扶纏襄文家學太常繼鑿楹珍度
同六編不著一字過矜慎兩世名篆芝泥妍流轉花山復邗上
國初諸老共墨緣雪疆到手祕不出亦解鄭重贈錦鮮黃子得
之歲辛亥春月初向秋盦圓遂使蘇齋老學士題詩寫記喜欲
顛其先六年歲丙午按奇蟲破荒山煙鐵橋李己酉續有獲佐
以梅村李偕桂仙劉迄今全本四十石賣向街頭才十千水墨

東洲艸堂詩鈔卷十三

十三

滴灘拓手拙隨意割置無愛憐多則非珍罕乃貴兒童所見堪
歎歎紫雲山色雖好在陵谷安保無移遷願將精楮竝佳墨急
往規取形神全韜藏愛護此冊等畱與後世長摩研

王稚子關舊拓有覃谿瘦同詩因次韻爲孔繡山題於
拓本之罇

豐碑峙高樊崇闕表馮沈蜀江近日波新墨發古藩惟有稚子
關自昔聲稱甚計從歐洪來攷古互詎論惜哉先靈刻黃趙僅
摹銀幸茲刺史闕殘字半堪審粵稽范史筆吏能儒術稟放牛
屬稚子況慮魚鮪淪民謠代未有安陽薦肴品茲歌樂府傳祠
碑幾時寢後來永初詔朱尹許接衽延熹洛陽祠卓傳其千稔
亦當有刻詞無處拾璣錦是闕又何略感淡詞轉喫炎天逢古
紙梅雪風餘凜由翁到張孔澆酒損俸廬煙雲七十年祕入繡

山枕題詩蒼石罅墨水猿來飲

得苗仙鹿書卻寄用瓦壽軒韵

岱之言代封禪記七十二家畱古篆惜哉金泥玉檢文都被封
中雲壓扁我昔東游識字始秦後石墨濫登選姬周古文無一
字尋碑虛逐使程轉心折河閒老仙鹿忝附同年遇何腆日枕
長生君子專賢王修學緒當衍寒鐙把卷審七均詔武餘音繇
未戢老來欣有齊東行爵鹿勤蒐孔壁典好穎三代文餼餼一
洗百家詞翦翦讀書學道貴滌初老而無聞定知免聞余被使
五羊城書來鄭重相敦勉學海堂從太傅開扶胥浦值滄溟宴
鞭心昵古定有人敢不甄微與揚善此閒相去幾郵程東嶽奇
雲日舒卷

涿州行館雨夜喜黃壽臣廉訪來晤兼柬丁竹谿

東洲艸堂詩鈔卷十三

十四

我未出門掃我屋冀君早賁足音覺出門兩日始相遇別緒如
山何由降時當夜淡更命酒雨聲浪浪雜村尤不知悲喜何處
是互進勉慰念愚憇君來南海正春節紆迴浙舸尋吳艫我望
粵山尙天末茫茫去涉河與江不須爲我計行路但恐文柄力
不扛君入京師住我屋近我北堂面東窗幽蘭正花叢竹茂看
舞采衣傾翠缸君今超擢已崇秩漸膺曷寄轟旌幘我雖因循
柱下職思與薄俗相扶撞人生豈有再年少無乃喜極眼爲眈
但當樹骨保名節胸中宇宙長敦龐庶合樸氣貫到底投老尙
可躬耕糴桂林使者亦來聚令我鄉思盈蘭茝烏乎此會豈易
得抵黃金千白璧雙

濯足

凡物視所託苦樂恆難均不須遠察萬物理頭目手足一體親

澣漱何曾一日廢吾足沾水難計旬忽思賁雨快一濯天膏於
人無所屯灌田爲民長禾黍洗足於我清形神百骸本是天所
昇智不衛足聖乃噴澆膚初覺醜如酒刮垢可笑皴生鱗脫離
奇蚌細窠石拭去餘膩大布巾暫得一快忽自惜上有京華春
陌塵京華塵土香且軟鞞鼻欣動天下人我從娶媿到京國於
今四十有四春一年或許三四洗一任黏膩陳復新今宵喜露
雙骭臥脂滑不苗蠅與蚊明朝讖履再纏裏十指疏朗可屈伸
況茲南行多水鄉與吾足約無逸巡一濯黃河浹再濯大江濱
三濯冷泠清遠峽蹋波騎上白龍身

懷都中友人

蓬山廿載曳瓊琚卿月光華照敝廬客到尙能傾老酒公餘不
廢讀官書

王雁汀

東洲艸堂詩鈔卷十三

十五

三十年前氣薄雲老來瀟灑絕塵氛不辭日費磨人墨爲寫梅

郎諛墓文

梅伯言誌墓之作多余所書

師門科第笏盈床吏隱君偏託太常古寺狂游春已徧養閒翻
爲覓詩忙

潘季玉

酒腸詩膽信無前風韻宜稱跨蜚仙收拾元龍湖海氣小詞偏

愛柳屯田

顧子山

借書一日幾回來農父東西共好懷尙友顧闔如奉手縱橫萬

里小烏齋

張石州

比部才名卓不羣臨池日策管城勳談詩又過身齋飲醉看青

天日暮雲

馮魯川

贖帖收書早戒裝到官先爲省親忙門生使粵師應笑爲我投

才學海堂

阮賜卿所質華山碑泰山秦篆近始贖去

尋常下直出西華玉螭橋連給事家煙水茫茫天落紙青藤十

丈墨荷花李季雲藏青藤墨荷卷極奇

行芳志潔有騷情味雪多年骨更清醉後不禁狂態發明朝戒

飲又詩成戴筠賦

奇絕吾宗尚弱齡胸吞萬卷筆通靈何當盡發鄮侯律比附春

秋儷禮經何願船近著刑律統表

退翁餘韻在檐楹天咫宦中面百城妙有兒郎能好古勤收翠

墨饌先生劉寬夫所居即孫退谷遺址乃郎子重亦好古

兀傲詩情鶴是儕清尊一日幾回開新年人事紛如米古寺招

邀看蠟梅喬鶴儕新年邀游廣慧寺看蠟梅

一官柏府尚逡循八法中郎早絕倫聽說乾嘉諸老輩儒宗詞

伯總傳神馬湘馴

東洲艸堂詩鈔卷十三

清貧史館意蕭然勤苦才從太學遷古畫奇書環四壁冷吟閒

醉又三年蔡小石

金石堂開海上村齊疊何日得重論當時一疏回

成命天下應知儒術尊陳頌南歸主誦金石書院近著齊侯疊釋文

遺書未谷待編摩家學形聲理董多大雪同登湖上塔較量筋

力近如何許印林校刊桂未谷說文義證大雪登塔乃從前隨侍浙學署時事

三年鉛槧共禪關此去同看海上山手版倒持須省記從今那

得箸書閒王履軒同余在慈仁寺校訂宋元學案三年乃竣事今方試令粵東

萬卷家傳盡覽披才名騫翥鳳皇池阿兄自樹封侯績且學陶

韋五字詩葉潤臣

春風六載繞庭軒才筆真如萬馬奔一第艱難吾未信安排賁

酒賀秋元鄒耕南戒酒兩年誓不得第不開戒

幸託通家塾有師書聲繞案客頻窺閒窗倉雅宜勤究劣女癡
孫喜問奇李勿齋

綠陰庭院好槐安竝硯聯尊兩月歡聞道來朝有封事夜鐙還

校古周官呂鶴田方校
周禮補注

鐵券兒孫骨相承莫言冬士冷如冰軒昂論事談無底兀傲看

天眼有稜錢冬士

正學亭林實指南儒林第一傳無慚禮官幸有諸孫在廟食何

時孔庶參顧子份

同歲明經氣誼敦廿年中外各騰騫論心邨谷惟三子近接虛

懷有狀元李雨人

篤厚天懷似我師偷閒未惜補官遲愛身莫倚千鍾量作令勤

規萬里兒毛子剛合子希
銘從余受業

東洲艸堂詩鈔卷十三

策騎遇雨

柳絲剛拂帽簷低一陣轟雷似鼓鼙驟雨驚回奔馬外斜陽忽
出斷雲西

六月十二日

一年不賦悼亡詩兒女情懷素所歎今日江南無限淚因風寄

與夜臺知

通道驛夜涼甚

山中藏早秋未向人閒去先支一夜涼暫伴行人住因知山氣
淡不覺時光度唧唧感幽蛩空庭起閒步

出門

出門踰一月思母有萬端夜眠可安枕晨飯可加滄孫曾雖繞
却能否解怡顏姻戚來過從笑語可增歡自聞

使命下預計別離難
稜稜一片石突置
方寸閒雨淋與日炙
措置不得安何當
冰雪天速令使車還
慈顏一笑慰化此堅
且頑

張文獻祠前古梅
祠前古梅花暑路如
冰天雙幹竦而立數
葉瘦可憐梅嶺卽庚
嶺自因姓氏傳後來
苦坵會種梅在山巔
南枝殊北枝此理殆
不然

上船

晨滄來雁亭暮宿寄
梅館梅花本非時
鴈信亦何緩行人數
亭埃長長復短短陸
行七千里有似弓引
滿今日上船行灘水
疾如箭艱難暑雨情
至此成瀟散研渴但
思飲衣垢急須澣柔
櫓鴈聲來山雲如客
嬾

觀音巖

東洲艸堂詩鈔卷十三

十八

日氣炙山脚雷聲出
巖中急雨不破碎一
片落吾篷雪然包卷
去不知何處風夜色
黑如墨巖罅寺鐙紅

英州

英州僻在嶺海隅宋
時猶是謫宦區神宗
朝時直臣最前有子
方後介夫介夫監安
上門耳彼任臺諫何
人乎古來但有災異
奏臣今剝寫流民圖
耳聞目睹圖盡具形
色慘異聲悲呼別具
疏詳說圖意冀回天
慮民困蘇神宗得圖
夜不寐德音朝下不
及晡三日大雨輔臣
賀天人感召鼓應炮
安石惠卿互根據求
還不還相覲觀惜哉
新法罷又復一反掌
閒善惡樞作圖忠計
復再試正直耶曲天
爲吁盈廷之怒致必
外帝獎忠誠輕厥辜
南徙英州住僧屋從
學子弟來于英山澗
水最奇兀當時照耀
公眉鬚如何祠祀舊
廬處一任圯落成榛
蕪作詩表微冀修

廢海雨颯颯吹孤蒲

晨登飛來寺

舟中毒熱不可稽五更夢醒聞荒雞泉聲到枕方吾僕與二三
子相扶攜飛來之寺與山齊北禺俯眎南禺低及日未出快攀
躋拾級轉上如天梯淙碧軒見坡老題飛瀑落石字化鷺千載
潤澤山與谿山風橫恣無東西怪禽見人磔磔哢幽樹四圍黑
成鷲但覺古意荒且淒靜思帝子翩跹媿山頭采竹和天倪吹
律既叶來鳳兮念飢吞吐虹與霓何不攜歸證菰葐乃遂遺世
煙霞迷石壁百尺光流黎留此餘恨惑簪笄百鳥不敢來翔栖
猿聲洞口空悲悽

九月二十日潘德輿招飲海山仙館卽事有作

主客攜尊共一癡明窗讀書且談碑鏤成書苑千家石籠得才

東洲艸堂詩鈔卷十三

十九

人幾輩詩能使古賢依我活感懷時事更誰推有教白日堂堂
過跌宕還思幼好奇文海樓下墜閒嵌所摹古帖碧紗籠處留
院號舍及修學使署皆獨
過客詩海山仙館叢書宋錄精輿增修貢
肩其勞於夷務出力尤多

看山欲徧嶺南頭送盡人閒爛漫秋花氣化雲成寶界海光如
鏡照飛樓千林暮色生涼思一髮中原感客游風浪無聲天浩
蕩可能容易著閒鷗余勸德輿出山
以事羈身未決

桂子香餘菊正開朋簪回首廿年杯木奴坐看千頭熟查客誰
期萬里來雲水空明入圖畫海天清宴好樓臺面紋未覺觀河
鍤一笑何曾歲月催

修梧密竹帶殘荷燕子簾櫳翡翠窠妙有江南煙水意卻添灣
上荔支多蕭齋舊製多藏畫吳舫新裁稱蹋莎萬綠茫茫最淡
處引人幽思到巖阿園景淡雅略似隨園邢園不徒以
華妙勝小艇亦仿吳門蒲鞅頭樣

許雲衢袖海樓

珠江結屋盡沿流，第一名傳袖海樓。暫可登臨頻失步，果然屈曲不勝秋。一行人似穿珠蟻，百轉梯如媚壑虬。難得造顛仍廣大，茫茫天水望中收。

題莊滋圃協傳經圖

十丈珊瑚閒氣生，嶺南魁鼎最先聲。兒時一片青燈影，照徧湖山節鉞明。

大好春光櫻筍亭，佳兒蘭玉與傳經。鍾山曉翠書聲起，老鶴階前已慣聽。

今日縑緗世業存，百年嶺海說高門。知公當日傳經意，接武原非在狀元。

我來持節采儒風，經術居然盛粵東。羣彥好將圖卷視，津梁學海有前功。

東洲艸堂詩鈔卷十三

二十

葉東卿丈約游白雲寺登觀音閣下山至蒲澗雲泉山館讀覃谿詩過澗至濼泉寺晡飯

奇哉茲晨游，已入前夜寢。寢中足殷牀，兩踵不知重。破曉出郭來，林鳥才幾啣。豈知丈人翁，游屐已先控。松聲高到天，曠宇自吟諷。沿松遂陟巘，吾目乃一縱。

樓閣倚山建，日月馳棟桷。下見九龍井，氣與山飲歎。一目數百里，大士何思聞。天光直蕩蕩，海色方云云。云海本一氣，形色何由分。山中竟何有，但道多白雲。

線路直入雲，占升每得困。丈人七十餘，拾級穿蘿蔓。平生金石味，實與性情灌。注神骨堅滋，益腰脚健嗟。我亦同癖，何故殊利鈍。感精復勞形，省嗇在方寸。

仙人去千載菖蒲爲不芳惟古大澗水石罅鳴鏘洋雲泉好山
館鼓倒餘榻樑迴觀白雲寺興廢有何常壁閒詩老筆尙作龍
虬翔一樹紫含笑四山黃夕陽

言別白雲居紅葉先客醉蟲鳥秋聲繁蒼茫動寒思鄒仙有何
靈香火占山翠卻愛倚山閣翩然如鶴翅全收松梧影果有幽
淡意試汲蒲礪波去飲濂泉寺

寄黃香鐵時由學官遷翰林典簿

我行持節來五羊故人滿眼娛倘佯咄哉老鐵不可見一日九
迴紆我腸惠書月忽再三至鶴髮翁寫蠅頭字可憐一見如許
難縱展千函又何事鐵耕樓已隨鯨波學宮冷落梧桐柯牛闌
雞柵新闢舍種龍養鳳別成窠頭銜晚綴滌洲籍舊日富官今
史席嬾將吟腳踏輦紅枉把情天鑄空碧挑燈急讀別後詩有
吾先公之輓詞兼哭子毅同乳弟一夜慘淡神魂悲與君交情
比棠棣四十年來性情契雖牽別緒逾歲時每奉賜書還砥礪
吁嗟時事何紛紛海氛初靖江河渾行行去守柱下職吾跂子
如天半雲

東洲艸堂詩鈔卷十三

二十一

飛來寺敬觀先公丁卯年詩卷次原韻書後

名山閣詩人題記如筍束妙以文字緣增益山水福茲山我重
游夜氣萬峯簇老僧出古紙照字有山綠中有先迹存莊誦粹
難熟緬維我先公文衡采珠玉嶺南最先到珊瑚枝海難蓄是年
吾九齡初來自鄉谷尙記誠兒語不許出書屋歲暮使輅反不
解索綺縠跪受端石硯喜極如新浴從茲識字始恆恐爲硯辱
後來文衡多典試兼學督鏡照明不疲秋潔霜無酷燕齊閩越
閒琳瑯歸采掬教澤如江河飲者皆滿腹父子同典試盛極運

何促從來盛衰理可畏如旋轂因思閩中游歎嗣廿年躅如何
粵外使江山愴吾日言言情寓景字字骨撐肉我讀不終篇愴
淚強收縮使旋趨北堂書盼鱗卅六遺稿見溪山敲篷自寫錄
江風吹鶴頭鶴頭船名海氣侵雞足四十有三年光陰如轉燭

秋初我南來炎日江氣東走憩涼碧軒風泉爲我福旋登飛來
寺眾岫勢如簇披襟海雨來貪看晚江綠冬初我北行石磴行
已熟樹色肥未霜石氣瘦成玉琤琮瀑泉聲孤溜洩仍蓄乃知
祕藏理冬心在溪谷聽泉夜最幽無言坐佛屋萬樹峙陰森一
白如練穀細斟壑源清暗與心光浴暫得枕流趣庶免出山辱
主人亦何賢清遠合馬芝庭同年郵事自檢督直追客船遠未免鴟政酷
頗愁醉後容塵土不堪掬入夜山中泉聲聲落吾腹鐙寒酒易
醒話久剗轉促颿檣半夜驚廳輪馳萬轂迴思靜妙游一瞬成

東洲艸堂詩鈔卷十三

二十一

前躅搖兀到寢魂倘仿移耳目天明不成寐霜氣砭肌肉山風
雖我如漸漸成媿縮坡翁贖題字捫讀日五六山僧苦好事浪
墨何堪錄登高看瀆水千里到樓足一笑落扁舟何年重翦燭

飛泉寺覃谿補書東坡題名

覃谿自謂學道人千載徑叩東坡門題名補刻知本根撐骨藏
肉波峭杼偃松屏落伍氏軒烏雲落日荒秋暎孽窠尚有雪浪
盆三百載前古墨溫此石奚足栖坡魂精靈海上空吐吞

同黎越喬游九成臺歸飲陳覺民曲江縣署

山脊平看萬脈分屐聲高使太虛間左看瀆武合流水右眺柳
連一帶雲暗浪無從尋古井芙蓉何處采遺芡共君南嶽登臨
後來結沖霄野鶴羣

二禺山接九成臺太上遺風嶺外開竹應鳳鳴諧聖律石餘夔

拊盡名材連宵聽水如聞樂二客看山對舉杯勝侶狂游千古
到扁舟昨日故鄉來

韶石石壁似浯谿

低篷野渡狎流淙晚寺寒鐘次第撞墨井能收諸相寂風幡難
得此心降獨尋韶石屏開鑑略似浯谿字照江西北故山蒼翠
接何時煙雨理歸艖

南安舟夜與詒堂沙頭看月

嶺南看月兩回圓一笑仍登大庾船歸路迢遙京國思寒光清
澈贛江天沙頭欲共鷗鳧坐夜色淡含樹石妍山氣沈沈風露
靜照人如鏡乍蒼然

廿三日贛江守風柬楊詒堂知許信臣學使將到

鬱孤臺上披晨霧八景樓前見煙樹醉中記得坡公詩章貢合

東洲艸堂詩鈔卷十三

二十三

流此其處扁舟直下十八灘欲下不下多盤桓雪情雨候不可
識一夜北風如許寒南北估船灘上閣鷗鷺斜飛不能濯故人
咫尺天涯遠此日來颿何處落自從使車北度嶺夜慶京華晝
延頸天意狂魔巧試人身無健翮何由馳意氣突兀煩消磨笑
謝灘頭千丈波聯舟野泊如邨巷且與楊侯共嘯歌

東洲艸堂詩鈔卷十四

道州 何紹基 子貞

游黃山紫雲巖濯於溫泉

王子

冒雨穿雲不計程
芒屨蹋破萬山輕
此身本自無無垢
無垢今從一濯生

題顧子怡畫蘭卷次道榮堂韻

禁持風露不求知
自有橫斜百變姿
留得溪山幽韻在
肯教烟墨太淋漓

德州有蘇祿國王墓汪竹千刺史導余往視悽然一奠

有作王以明永樂十五年入朝歸卒於德州就地賜葬王漁洋有此詩蘇祿作蘇羅譯語無定字也

九省通衢驛埃繁
蘇羅王有未歸魂
中華不惜數弓地

國典仍沿異代恩我朝雍正年間重葺塋域守冢幾家田尚熟
臨風一酌

東洲艸堂詩鈔卷十四

酒難溫年年朝貢諸藩部下馬着碑有淚痕

題朱某堂丈東湖艸堂圖為建卿作

我讀東湖別思詩
白華慈竹有餘悲見蕉聲宦成不覺霜雙鬢

歸寤空縈柳萬絲
鉛藥喜傳遺集富
鬢髮無復古歡追弄珠樓

畔佳風物扇底寒
梅賸幾枝丈為余扇上畫梅極為奇古

題苗仙露寒鐙訂韻圖即送其往山東學幕

世事千萬端
妙處不可尋
形跡且難究
況云聲與音
憶余少嗜奇
幽寄託鳴琴
秋江寫遠思
涼雁招歸心
瑤軫一以靜
金徽有韻所出發
音本恂忱
七律儻未叶
萬情曷由斟
君生我同時
千古獨列森
夜寂閉館戶
密樹閣樓禽
耿耿月來映
啾啾風相吟
今聲孰與正
古詁亦何深
門外車馬塵
影影麗纓兜
先生對童

穉感歎初不禁驅車向齊魯正可觀古風固無別離思亦忘諍
與箴惟當慎保愛豈弟神所歆

顧祠秋祭日陳頌南王子懷苗仙露馮魯川潘季玉楊
紉雲何願船孔繡山公饒於雲淡松老之廬夜歸得黎
月喬送行詩次韵奉荅並畱別諸君子

友朋何事悵離別後相期在名節豈惟宮叩商必應亦知松
茂柏乃悅亭林祠構今十年海宇才傑爭隨肩文詞固勉根氏
厚風骨多有冰雪堅時事艱難各努力身世遇合仍關天三秋
雲山苦睽隔一日槃敦欣接聯憶昨造

却語不淺小臣自顧真惶然此行忽似寥天鶴翩然徑指西南
落

關廷漸遠懸寢寐時局支撐要才略菊花雖好風日澹酒杯不
落

東洲艸堂詩鈔卷十四

停懷抱惡史館編摩已素食輜軒敢謂竭臣力月喬尤是知我
者翦燭分牋能幾日月喬來詩有句云君胡連朝慘不悅

書菊與子愚別

回想高堂淚不禁弟兄健在使呼尋荆花一樹三年事菊影重
陽萬里心望遠不嫌書屢寄消愁莫厭酒頻斟百端時事縈懷
抱不覺清談又夜淡

寄子敬

姑蘇城外落颿時弟北兄南聚最奇名酒好風烏夜曲快雲奇
雨白公祠還家待補游吳記持節翻吟入蜀詩江發岷山東到
海盈盈一水寄懷思

韓侯嶺

薦士鄼侯弟一功從容大業定江東真知己是高皇帝不負君
惟太史公昨日固關尋戰壘今朝微水想英風名臣立腳知非
偶冒信邪謀惑蒯通

興行黃河岸側有黑旋風高數丈如塔當面至輿夫駐
足余拱手曰 王命在身不敢讓路呼令前進旋風避
而左行其聲甚厲悚然記之

決泝大河灣連綿百里山神威猶俯鑒

王事敢辭艱表裏雄三晉幽明共大圓

柝枝東北望今夜住潼關

馬嵬

綺麗香山長恨歌兒童爭說馬嵬坡何如樂府藍田石顏段千
秋正氣多

東洲艸堂詩鈔卷十四

三

鳳翔東湖用坡韵有懷兩弟

古樹沿隄爭屈強晨曦冒霧尙霏微蘇祠照水羣鷗聚秦棧連
雲一雁飛乘傳屢懷非分恥聯牀長使此心違江湖有約期借
隱坡老徒來蜀麥譏

大散關

振策秦山指蜀山重經清渭水潺湲寒曦霧破軍陽戍古樹秋
餘大散關峯影轉時人面黑石花飛處馬蹏殷曹劉戰壘知何
在驛館還聞鼓角閒

畱侯廟

博浪沙椎氣奪秦忽逢隆準卽君臣功成便欲凌雲去千古元
勳有幾人

海上樓船笑始皇後來孝武轉荒唐赤松自在人閒世畢竟真

仙是子房

浩氣縱橫軼九垓奇蹤一任苦疑猜授書黃石無名姓更約商山四皓來

狀如女子本身輕早歲澗山鍊已成一樣神仙瑣子骨畱侯更比鄴侯清

我渡河來入萬山陳倉莽莽接潼關停車忽下畱侯拜別有清風天地閒

甯羌州

回首終南尚鬱蒼鞭絲帽影已新霜郵亭尙記金牛峽部落空傳白馬羌漾水兩源偏共嶺蜀山萬點此分疆近城復見平川景衰柳晴懸落日黃

劔閣

東洲堂詩鈔卷十四

又三

元黃剖判毓靈頑畱此蠶叢不忍刪堆起石頭皆樸醜削成劔氣制陰姦天心遮隔蜀秦路人力鑿開神鬼關珠玉中原何擾擾峯巒終古有愁顏

劔閣銘

橫空不作峯活壁走如龍拔地石千轉去天雲萬重庸奴紛割據大度自包容幸爾才人筆長畱傑閣雄

上亭驛

一曲淋鈴淚萬行三郎僥倖此郎當後來南內聽秋雨誰製新聲奏上皇

送險亭

不經險路來不識平途妙不由平路行安知險中奧秦山接蜀山萬險不同貌至此轉襄回焉能足目到它年出蜀時從容領

其要

羅江行館喜晴看月柬吳壽恬師小山邊子重三君子
萬山行盡不知寒促坐休舜酒殘乾昨夜雨聲敲枕聽今宵月
色滿城看亭臺照眼全明澈棧閣迴頭尙鬱蟠畫理詩心好開
豁錦江天地古來寬

龐士元墓

年方卅六墜英風大霍山前廟貌崇驥足何妨膺百里鳳雛本
合老孤桐關張自壯千秋氣龐馬難收尺筆功盡瘁止畱丞相
枉受遺懷絕永安宮

自題騎牛圖同諸君子限韵二首 癸丑

燧象與火牛古人以之戰卓哉孫吳傑千載不可面承

命諭蜀來江山拓聞見所苦衡文役仍守鈔書硯念彼稱戈勞

東洲艸堂詩鈔卷十四

四

何如秉耒賤細雨分早秧香風熟新麪我羨騎牛兒誰責勤與
倦春光九十日沈沈扁使院但聞食葉蠶不覩銜泥燕騎牛少
時事五十年如箭披圖寫兀傲索句得幽蒨何日鶴鵝軍紅旗
飛一片

前夜風雨集蟠空作酣戰今宵雨復至飄灑到人面淡春頗苦
晴此景若創見欣然命樽俎可拋琴硯諸君枉相契容我說
少賤提籃逐瓜果破鼓煮肴麪兒時堪笑事十日數不倦猥承
先公澤復籍太史院樂趣憶騎牛鄉心妬歸燕自從軍興來糧
糶化刀箭安得賦歸田平疇看翠蒨田中一夜雨明日青成片

賦得閒借奇書手自鈔

得鈔字五言二十韵

幸有奇書借閒時有濫拋自貪親手錄絕勝倩人鈔撥允尋毫
楮藏珍賴漆膠巾箱佳本富風雨古歡交造字稽倉頡揆規滌

鬪苞過從欣賞析同異費推敲細楷兼行艸高吟動屋茅聚材
樓造鳳吐氣墨騰蛟帝虎須防誤侯鯖類治庖校讎堪報咎求
取免訾謗涵泳歸靈府精神寄指梢澹懷偏昵古幽寢欲吞文
筆迹紛相錯心光靜不滄疲勞忘腕脫詰曲喜牙聲簡外新香
發行閒雋味包夜窗飛脈望虛幌習蟪蛄銳力勤穿硯浮名笑
繫匏蓬蒿三徑益鉛槧百年巢寫定慚通德深湛託解嘲

玉堂天上近梁翰侍

螭坳

睂州試畢敬謁三蘇祠與試院止隔一牆因通門以便
瞻憩局試時仍閉之也廖仁圃直牧陳愷人大令置酒
木假山堂卽事有作

登州看雲海嶺外借笠屐春風西湖隄大雪黃州壁東坡舊游

東洲艸堂詩鈔卷十四

五

處一一我畱迹微尙已半生詩文書竹石誰期紗縠行獲近喬
木宅父子共一堂森然動吾魄想見名二子却前授書策不敢
誦坡詩恐被翁訶責

老泉平生學精力萃禮書幾權經史論詞筆乃緒餘或傳或不
傳有幸不幸歟譬若汶江源萬象咸包儲坡頽暢其流汪洋赴
歸墟願告學古人須識權與輿暮頤老翁井白雲蔽墳廬瓣香
此度踞古柏森庭除

東坡與子由雙鳳高其翔同時富豪俊幾人能厲行文章合氣
節旣爲百世望乃其浩蕩懷得失皆兩忘巢痕滿臺閣歸寢落
蠻荒尙友天下士何處非吾鄉有田竟不歸投老頽與常惟餘
聽雨約魂魄在茲堂

冒雨來睂州駐節三蘇里西鄰木假山中隔一垣耳開徑仍設

門古賢接尺咫瞻像且讀碑看竹還聽水主人能好事酒行詩
陣起吾軍氣百倍偕作競摩壘體人先有詩余與王梅谿曹介
疾師小山馬星四彭鵬九及吾
皆繼作看徧蜀中山此樂才有幾鴻爪太恩恩勉矣邦人士

睢州試院喜雨大醉次日即別去

桑下佛緣戀難去況我睢州十日住高風景跋三蘇祠古蔭婆
娑雙柏樹竹陰追暑嘉宴開倒冠落佩方裴回主人敬客還拘
禮客多酒勇紛喧逐雷聲下天來卷屋電光倒吸杯中淥池底
龜魚迅欲飛鐙前雨腳森成束烏乎坡老神乎神不解自飲喜
飲人賞余疥壁好詩句快雨爲洗筵閒塵坡詩道雨妙如雨我
能洛誦清肺腑杯停雨歇天宇空墜句零篇尙堪咀余醉後高
詠坡詩不
能成頽然一臥涼浸肌寢裏猶呼事大奇天晴日出成揮手卻
和淵明止酒詩

東洲堂詩鈔卷十四

六

王梅谿喜雨詩有隨車載向嘉州去之句戲答

睢州雨候奇我迎復我送今日嘉州來快雨市聲闐迴思昨日
江上舟午熱上山皆汗流得茲一雨且豪縱載酒何必凌雲游
蜀田苦高衍沃少止畏晴乾不愁潦幸隨耳目徧沾濡更爲文
章澤枯槁天公於我誠何私偶然會合或有之誇揚漫許隨車
雨愧讀王郎絕妙詩

嘉州噉荔支用坡韵

健爲舍人撥秦灰我諷文獻鋒車催乘風冒雨五月至卻疑專
爲荔支來兩度乘輶馳嶺海堆盤磊落非新採今朝訪帖荔支
樓放翁刻石空千載快嘗嘉果眞嘉州似咀新詩坡與涪色香
味外韵殊絕筠籃更伴凌雲游傾城風骨動蘇子忽噴尤物爲
瘡瘡天生萬類有何心人謂珍奇斯可瑞荔支有譜別根芽傳

聞闌粵味更加慰情勝無自一快壓倒郵筒蒙頂茶遙憐羣穉
口流沫大雨馳餉可至邪昨夜寤魂飛到家小池開徧芙蓉花

余既作噉荔詩王梅谿師小山邊錦川馬星四彭嚮九

諸君子皆繼作爭奇競麗余退避三舍矣復疊韵成篇
以志欣佩吳受恬塾師在省署已寄餉去故末韵及之

君謨東坡骨已灰九百年驚駒隙催名篇妙譜有誰嗣英多磊
落詩人來王郎游蹤滿湖海絕代軀軒恣甄採師邊偉抱兼萬
夫彭馬少年志千載諸君生長古秦州河嶽氣吞峨與涪與余
傾蓋雁塔頂欣然聯騎蠶叢游區區微物丹荔子古筆何堪相
疥痂篇篇奇錦鬪新機字字華星成異瑞始知名理苞根芽此
詩此果皆蔑加且讀且噉色香竝坐忘苦酒拋名茶集成各有
荔支作嘉州之游何壯邪寄餉吳窈當至家冒雨獨謠尋浣花

東洲州堂詩鈔卷十四

七

寄謝清秋浦觀察

去冬種竹初盈園春來不受風雨恩十僅一活低且瘦祇緣沙
礫難培根看竹閒訪秋浦窈乃云得法言無煩銜齋萬條方成
林當爲分蔭學使門我方持節行按部雖聞此語不遑顧睂州
好雨又嘉州寢繞家園池畔路家中昨日報平安滿園簇簇森
檀欒上承靈霖日飄灑下得深泥資鬱蟠新竹移來欣得地吟
風嘯月搖溪翠可憐舊竹已半枯突出爭雄亦橫恣主人在家
時竹意何離披今朝竹陰下不見主人歸世閒有此奇事否作
書馳問秋浦窈窈笑掀髯吾豈知太空冥冥何不有長日方尋
周與胡謂執庵丈與恕堂
兄秋浦所習也碧簫引滿真良圖欲傳種竹不傳訣
待子歲莫歸來乎

敘州載蘭至瀘州聊記花事

香艸戎州產無殊楚澤隈蠻風春後信熨嶺雪前胎有客揆尋
到呼奴荷擔來幽蘭初不覺自向晚風開

突兀狂霖降通宵失眠魔空庭繞雷電芒屨入濤波盆盎遷移
速琴書掩映多禁持風雨後花葉鎮婆娑

爛漫百蘭發盛衰知互根因循一旬賞澹蕩幾枝存載汝來官
舫呼羣對酒尊瀘州三百里相伴又庭軒

敘州試院買蘭百盆題曰百蘭山館

日氣蒸荒院炎天更苦晴詩人忽狂喜嫩藥又重生花有回旋
力天償愛護情素心超澹極風月夜逾清

瀘州立秋夜別陳廣勇

新秋風露上窗紗鎖院沈沈漏鼓過棊散酒醒人欲別幽蘭添
得幾枝花

熱甚大風雨卽事

東洲堂詩鈔卷十四

八

隆隆赤日懸中庭此閒酷暑未經虛堂按几炙如火想見野
天山失青旋風驟雨何處至搏挽炎歊有天意大樹顛搖不自
持幽花潤澤還增媚乍有秋涼閒處催呼鐙掃石靜銜杯語言
文字都增韻勝賞渝州第一回

月餅詞限韻六首同取古諸生作再生崇文詩論甚有
懷抱書扇獎之

佳節欣收汲古倫詩才賦手鬪清新試看餅樣圓如月誰是來
年折桂人

春明月餅數陳家贏得兒童笑語譁消受

帝城風味飽寢醒一枕落三巴

莽莽山城雨氣寒溼雲籠岫曉成團清風有意收殘滴夜月安
排對酒看

潢池擾擾忽三年荒徧荆吳豫粵田此夜月明烽火息千村萬
落慶團圓

四時八節快如風賦餅題餠意興同看偏人閒兒女樂嫦娥漸
老鬢飄蓬

想見三孫半黠癡中庭拜月正娛嬉秋涼果餅休頻索須記阿
翁念汝時

酉陽歲科兩試頻得佳士喜成一律卽屬諸生和作

蜀天青入楚黔隈撥盡蠻煙立馬來佳節無心逢大月深山作
意毓名材文章自有真源接風氣還憑傑士開遲汝明光來射
策勤研經史是根芽

涪州重聚

自重慶按試酉陽王梅谿邊子重畱住涪州酉陽試畢

東州艸堂詩鈔卷十四

九

返至涪州重聚

客歲才傾蓋年光迅若馳文章關氣誼風雨接襟期雲爨談初
健花明句轉奇吾生疏拙性良友道相宜

秦棧無寒樹成都贍艸堂行尋紗縠在樓問荔支荒楚道炎天
茗渝州雨夜鷓重重詩酒印鴻爪未蒼茫

東去思州路巉巖不可鐫三旬行役苦二客別懷牽鉛槧仍同
味雲山似隔天中秋最相憶猶幸月團圓

馳驅忽千里風雨泊涪州快值重陽節仍成七客游怪山無可
說大白不勝浮詩畫空空妙憑從篋衍收

書強忠烈公紀李忠愍公毓昌被害事竝家書二紙卷

後爲州牧萼圃前輩作

仁宗御宇十八年昭陽作噩正秋九賊連三省通內璫突入

宮廷古未有幸哉滑縣擒厥渠強公別之鉦難走請兵大府置
不理賊失期起橫擊培強公一舫何足奇

社稷馮依實功首內逆先翦外孽除用兵三月如摧朽功成事
定

卽詔下諡以忠烈優廕後韓城滑縣兩專祠照耀河山射星斗
我時年方十五六日日邸鈔看在手

詔書重疊見公名天意生才信非偶時事遷流四十年晚晚兒
童今老麥當時

成廟尙龍潛智勇神槍燈戎醜鼎湖弓劍已三年冲齡雲日欽
我

后賊氛忽自粵西起及初刈之如拔莠潢池擾擾誰使然置吏
庸庸職其咎文恬武嬉勢難振賊至城空心不守界延楚吳及

東洲州堂詩鈔卷十四

十

豫晉歲逾戌亥逮子丑忽傳露布收南京我正風颿出二酉黃
花媚客喜動枝白月娛人乍窺牖往哲流風尋白陸忠州夜雨
澤薪標煙雲隱几翠屏來氣誼詞林卉輩厚卓哉良牧吾久聞
忠烈之子庭誥受家書款款如菽粟遺墨瑩瑩照瓊玖烏乎紀
事迹李公忠愍忠烈同歲友直心不作委曲事此語真堪金石
剖取義雖因激烈明懷忠實自蓄積久今日如公得數輩何至
中原嗟踐蹂雄關不遇一夫當弩矢空勞千里負

國家養士二百年多少科名慙印綬勤聽漏鼓盼捷書聊發長

謠傾苦酒

時謠傳金陵收復

師小山於酉陽大酉洞得古瓦當背刻大鳥形余定爲
東京物小山手製爲硯細潤宜墨爲作詩以張之並索
梅谿子重星四寧九諸君子同作

前明初設宣撫司炎鏞早入武陵郡茫茫古物出荒山東京畫
象畱餘韵畫象箸錄洪至黃任城肥城與嘉祥帝王賢聖視模
范內番鱗羽紛游翔五瑞圖形峙西狹大鳥刻石傳射易古情
樸至渺顧陸詠稽博恣推錢王一朝酉陽拾片瓦獨鶴翩然下
大野休傳古印元長官那數銅鍾唐駙馬西陽相傳金石賦此二種師宜官
裔好古儔持示鯁生口爲哆硯材脫出秋雨飛墨香濃時夜鐙
地今年重陽不見菊萬斛幽懷無處寫荒巖祕洞快游歷奇石
斷峯閒玩把諸君子每游巖洞必攜有異石而返遂令殘臂二千季忽遁蠻煙昵
儒雅香姜銅雀不足論龍尾鳳珠真可舍招邀莫忘賢主人去伍
青署兩句寢繞容江濱從今步入荒僻徑注視不厭千邊巡孕
奇匿秀不擇地時亦吐氣成蒼蓋目光眯眯著塵土足繭萬山
空白雲

東洲艸堂詩鈔卷十四

十一

白公祠

昨日謁陸公墓今日謁白公祠兩公忠讜有直節皆以貶謫官
於斯當時事主非不遇貞元元和皆有爲其言有用有不用苦
被奸相相傾危宣公十載竟齎志內召不及空餘悲墓門蕭蕭
挺大樹傑立千載江風吹香山再起歷中外晚節兄弟歸怡怡
龍門東坡與東澗花柳仿佛流風遺烏乎兩公不可作文采尙
幸星日垂煌煌內相中書集款款拾遺樂府詞忠州兩忠合竝
梓以爲教忠百世師

忠州道中閱石濤畫次韵題冊後

老夫昨日偶穿山險被雲封不得還扶杖歸來尋水墨筆鋒點
破萬峯顏

曾穿廬阜入黃山攜得松雲滿擔還今日畫船稱使者鏡中猶

是野夫顏

十月朔日忠州道中次石濤畫冊中韻

泉聲妙雜雨聲傳不辨前村上下田如此煙雲如此樹好攜琴
磯上漁船

過萬縣至雲陽風雨不泊偶展石濤畫冊漫次其韻

西風著樹葉東飛露出江心石面肥行過忠州三百里冷雲斜
雨望夔歸

與監場諸廣文晨酌漫賦

鎖院沈沈早閉關清樽卯飲易酖顏戴星藉破荒衙寂聽雨堪
銷白晝閒從古風雲壯夔峽於今鎖鑰重巫山諸君門館兼文
武莫把經時願盡刪

疊韻請再和

東洲艸堂詩鈔卷十四

十二

岷江控勒在夔關忽到平岡一破顏晴雨妙添談畫樂丹青難
遇把杯閒要思拔雋先懲蠱除卻揆才卽看山太息中原豺虎
迹東南遠寢幾時刪

催襄校諸君子和韻

每下危灘似過關乍局深院且開顏三秋雨苦青天少八陣圖
空白帝閒地到夔巫成大局人從忠酉逐忙山蒼涼古抱兼時
感詩未嫌多莫漫刪

疊韻謝黃新甫吳有齋送酒

麻衣脫後別鄉關閱徧廬黃萬岫顏意外忽叨持節重公餘那
復箸書閒行行官舫宜聽雨處處江城飽看山日下故人頻送
酒十年離緒暫教刪

邊子重養病已愈尙不飲酒疊韻奉柬

試事淡嚴苦閉關秋來肥瘦鏡中顏護持從此應增健勘閱何妨少放閒鄉癡飛餘秦棧雨詩懷盡似蜀天山開簾喜見夔州月何苦輕將酒事刪

袁簡齋先生杖鄉圖詩爲少蘭大令祖惠題去年晤哲弟於揚州竝及之

山水文章兒女緣此翁真是地行僂披圖不憾余生晚憾不畱公到百年

天與多方媚老夫杖鄉有杖幾曾扶八埒不敢迷花至六十年
前事記無

先生六十杖鄉年尙欠人閒詩幾千豈料告存生曠就狂游躑
徧粵闔天

平生幾度到隨園幽徑玲瓏紫雪軒多少雋流還拜墓春風管
東洲艸堂詩鈔卷十四

十三

領屬吟魂

詞章攷據辨斤斤本共源流任合分我有隨園著書墨研山香
動小倉雲

比年傾蓋兩孫枝儒雅猶承祖硯遺最是秋江風雨夜桓侯祠
下快談詩

萬縣流杯池題涪翁記後

建中靖國許東歸南浦西山暫拂衣亭榭基荒存佛屋龍蛇迹
在映漁磯江南野水瀟魂到臣甫杜鵑詩涕揮今日中原尙征

戰慙余秉節望

皇畿

巢燕

昨日汗沾衣今日寒上面行行入山澹氣候迭更變頗訝秋氣

深梁閒尚棲燕想見山中樂香巢有餘戀

雨後

山行數百里巖罅皆有泉兼挾雨後力萬瀑爭飛懸白如瓊瑤
瀉徧落高下田雖云行路難且喜民有年

送馬星四彭鷹九省覲旋沔縣

翩翩同整老萊衣送客登車淚暗揮羨汝有歡承菽水愴余何
處問庭闈蜀山聯騎詩頻就秦棧懷人雪已飛樽酒莫辭珍重
意少年才氣兩君稀

江油試院四松歌

甲寅

大匡山下軒車止何處浪浪水聲起昂首高松疑古仙纖木長
風接天咫尺方亭翼然倚樹根但見老幹青銅皴枝葉迢遙在空
際不知下有聽松人狂風夜挾奇雨走屋壁動搖窗紙吼匡牀

東洲堂詩鈔卷十四

十四

欲化孤艇飛客心默與四松守清晨風定雨後涼眾木浮浮初
日光四山鬢髮破晴出滿園蜂蝶澹松香堂前諸生競新句堂
後詩人奇語鑄嗟余點黜疲丹鉛聊復消搖掌故滌昔乾隆
歲丙申四松森立高過人迄今計未百年耳得勢竝作虬龍伸
鎖院深巖少人至雨露偏濃足天惠文章止許棲鸞皇注白無
緣穴蟲蟻本根不搖真氣充神明造化斯感通扶培國棟是誰
事兢兢此理銘吾衷

灌縣畢汲生

庭璜

少尉署酒後贈雪備

我來灌口踢長虹挹袖欣逢老雪翁文字緣淡十年事江山奇
絕一樽同辭官使及康強日有子能傳吏隱風好挈諸孫讀書
罷離堆看水出城東

龍安試畢由灌縣旋成都雜詩

江源自西北落落布星斗束縛出都江洶洶龍雷吼李君亦何
神離隼人力剖派別東南行膏澤萬千畝水勢如龍行洋洋不
回首全蜀利養源壯哉此鎖紐人力副天造膏腴天下右迢迢
二千載仰望賢太守

雪備鬢未雪就養少尉廳一笑口欲脫離緒十年經離堆看水
回浩瀚翻酒瓶兩翁既爛漫諸友忘醉醒願君勤頤養菽水延
喬齡歎彼青雲貴不識陔蘭馨庭前數弓地百花繁比星婉婉
聚兒孫歡笑滿一庭

昨游青城山今入雪峯寺青城空有名雪峯果幽異松楸五萬
株手植亦奇事生枯得相半天風盪古翠千佛無一佛佛佛無
了義狂飈或傷稼風伯太遊戲一揖白龍神敢謂通幽祕馳入
錦官城居然大雨至

東洲堂詩鈔卷十四

十五

大雨亦已至使車亦已回琴書幸無恙兒孫笑成堆呼童覓竹
去趁此天膏培雨亦閒日至竹亦隨時栽蒼蒼萬竹林不知何
處來官衙及古寺有請無不諧連晨看種竹一日千叢個雖云
息行役頗亦困吾才

鑿池復鑿井積土遂成山池井有意得山來縹緲閒雜植松桂
梧石磴便躋攀相攜山上來炊煙起通闌雖無遠景接萬象能
回環癡孫自嬾讀水墨塗爛斑上山復臨水畫妙出孩頑他時
補吾短聊破老夫顏

東俞麟士

詹州一櫂泊嘉州想見當年載酒游試問課詩亭畔客誰追坡

顛共千秋

麟士於凌雲山作課詩亭

餉荔頻煩飛騎至鐙前那厭酒杯淺膠回一夜風兼雨活徧新

移苦竹林

雅州考古日與諸君子酒閒讀東坡八陣圖詩漫占數句

驛路邛州又雅州萬山深處雨聲稠酒懷暫可銷殘暑花事猶能豔早秋敢厭人材多樸拙須知邊略貴懷柔當年中外交持日隱忍誰人測武侯

諸君子皆有和作復得二首

蔡蒙山色指梁州雨脚浪浪晚更稠黎雅秀才能幾輩高楚逸韵自千秋看花院靜碁聲碎論古天高酒力柔為勸風檐齊努力威儀好與寫賢侯昨日考古題有樊敏高頤碑攷秀才論今日試生員題感儀也

武皇域外拓方州使節軍符遣調稠縱有雄才說唐馬何曾大義識春秋漏天自古無從補蠻俗於今豈易柔粵峒殘魂尚滋

東洲州堂詩鈔卷十四

十六

蔓徑思投筆問封侯

用勝九詩意復推闡之今粵寇蔓延亦自夷峒出

去年中秋按試西陽再生

崇文

以山為城賦最奇傑今

日中秋試甯遠曹生

永賢

籌邊樓賦可與相埒又吳生

鍾麟

啟華

之作亦俱不凡夜晴見月喜成一律

山城斗絕觀奇文今日籌邊語軼羣萬里使星差不負一年秋色又平分涼風滿榻收殘暑好月當空埽片雲河北江南方奏

凱濡毫待汝勒殊勳

西昌試院中秋夜深聞屢九未眠感賦

有客頻呼酒滿斟感余推枕復披襟且看邊郡微茫月聊慰英年浩蕩心鄉釐未愁秦樹遠羽書無奈楚雲深寒蛩滿院關何事一夜追陪作苦吟

諸君子賜和復奉荅二首

當筵爛漫酒頻斟特爲嫦娥一整襟風致翩如團扇影文章照
出玉壺心詩懷已出蜀天外夜氣更隨蠻箐溪佳節方知隨地
有何妨燕客作吳吟

造物陰陽頗酌斟濃雲缺處月來襟暫迴連日分秋雨徧慰天
涯作客心鴻鴈信從何處問桂花香孕隔年溪祇余半老慙杯
杓比屋聊爲擁被吟

甲寅中秋西昌試院憶兩弟

從來出處理難斟天遣連枝各判襟三載寄書長漬淚今宵見
月可同心江山戎馬驚難定鬢髮風霜染易深塵網何時歸計
遂湘舟聽雨快聯吟

與何伯石翁談及理數合一之旨

每將飲子就君斟妙理清言愜素襟縱識三才都有數敢將萬
事付無心月光自古多圓缺秋思隨人各淺深一殘乍揮狂論

東州艸堂詩鈔卷十四

十七

發荒山驚斷老猿吟

和戎

和戎何事引鄴斟試與敷陳一振襟將略最先惟介節邊防尤
貴洽羣心飛來明月遠非遠照徧涼山溪復溪卻念河東安氏
子良宵應作越囚吟

時奏辦安
平康事

和馬星四建昌中秋書懷原韻

象嶺南來獲解鞍諸君願祝放懷寬寤魂已任還鄉熟文字何
妨對酒看風雨聲從秋後緊山河影入月中寒客途佳思應珍
重排日聯吟得古歡

次慶九絕句韻卽事作

邊山久喜罷防秋眼底邛池小若甌鎖院又逢佳節過樽前迴

憶酉陽州

華夷地向此閒分
夜夜風橫出塞雲
東望中原山一髮
干戈猶

惻
聖明君

惟有秦中與蜀滇
三年幸未染狼煙
忍看一片堂堂月
獨照西南萬里天

近聞烽火到宜昌
兵下夔巫正未央
我自衡文行按部
身雖閒雅此心忙

佳音揆得快人心
靜夜閒聽楚女碁
聞說高唐軍大捷
洗兵先效艸堂吟

估客船從峽裏歸
江南露布定如飛
春明曾否巡防撤
連鎮先應報解圍

東洲艸堂詩鈔卷十四

十八

想到鏡歌喜又驚
渾忘身在蜀邊城
癡中歸路無南北
一枕醒餘又雨聲

詩題醉後字橫斜
卻看閒雲薄似紗
偶占高坡望邛海
夜鐘微露幾漁家

疊中秋見月韻題
張義門年丈
以存詩臺
鹽源縣人
辛酉科拔貢
少微連日見星文
竊幸論交接
紀羣模範尙欣前
輩在波瀾定

許後賢分人過瀘
水多邊氣天入蠻
荒結采雲自媿使
車勞獎借恩恩漫策
管城勳

消寒四詩次顧幼耕韻

寒琴

有琴久不彈
恐或作秋聲
商絃最淒切
感我萬古情
北風凜然至
林鳥瘖不鳴
雪後凍月出
江山寒愈明
心知天地肅
陰極有

陽生欣然調玉軫攜汝就前楹一彈海水化再鼓山嶒嶻霜氣
到十指夜色逼五更有絃送欲絕有歌難再展雖慙黍谷律聊
得寤魂清

寒樽

逢山必往游遇酒不及嬾聊資適懷抱豈謂極宴行自從冬令
來深山寂亭館梅花數十枝香色大千滿酒香和花氣快把腸
胃浣百尊不一空寒梅爲之煥天地豁然開衣帶不覺緩凍月
來親人寒星大如盃誰期南至節翻苦夜漏短紛紛門外事自
有閒人管

寒硯

平生不蓄硯不解與摩挲但求聚墨足無暇計其它揮灑正橫
恣硯海涇不波墨光既黯澹書勢成沓拖紙上起冰雪筆尖出
矛戈忽思持硯去洗盥臨黃河堅貞既保護渣滓全瑩磨硯閒
手亦罷所獲豈不多直待春和時助我長吟哦一笑竟不能仍
就窗前呵

寒碁

炎夏臨楸枰冷玉勝煥玉豈知寒齋夜開枰手先束拈子將十
年指尖瘦成竹無如手挽低不堪入品目偶逢大敵至亦或先
幾燭有如百敗人且逐中原鹿今與巖寒鏖盛氣焉肯伏風雪
天上來項臂潛起粟勝負雖已明斂退難終局是謂戰交綏急
展重衾宿

猿臂翁

書律本與射理同貴在懸臂能圓空以簡御煩靜制動四面滿
足吾居中李將軍射本天授猿臂豈止兩臂通氣自踵息極指

頂屈伸進退皆玲瓏平居習書頗悟此將四十載無成功吾書不就廣不侯雖曰人事疑天窮同心忽遇二子象分隸楷各求工皆用我法勝我巧巧不可傳法可公惟當努力躡前古莫嗤小技如雕蟲烏乎書本六藝一漸進於道義務充閱理萬端讀萬卷消長得失惟反躬外緣既輕內自重志氣不一非英雄笑余慣持五寸管無力能彎三石弓時方用兵何處使聊復自呼援臂翁

孫生思九手錄十三經皆莊楷無一誤字其子道南才十五歲能全讀背誦是父是子吾所未見也既同取入學以段注說文付令講求經義竝喜成一律賜之兼爲諸生勉學

孫郎手寫十三經洛誦佳兒水瀉瓶廢學久慙吾鬢白賞奇同

東洲堂詩鈔卷十四

二十

快子衿青貴將古義尋周孔更萃羣言別渭涇莫被書廚嘲陸監舊文先去講聲形

送何伯石歸襄城

餞秋先餞石翁歸斲醉黃花百盃飛錦水初寒秦棧冷勉加餐飯記添衣

消寒小集次韻和陸次山

酒鄉詩國大無比豈以南北疆域殊有時連衡敵孤壘亦或當關雄一夫次山多日廢杯斲忽飛巨觥狂且呼積渴已久怒一發同人靜看成學拘西湖此日是何境梅花粲爛三千株與君同是舊游處百回載酒攜尊鑪詩痕畫艸疥古壁癩魚閒鶴皆我徒錦城相去四千里簪盃乍喜聯秦吳乾坤俛仰雜吁笑蜀道豈足爲崎嶇它日歸計儻同遂越吟不復思巴飲消寒只在

湖溪處時喚梅妻倒一壺

過次山談畫仍次韻

評帖看畫幾眞鑿有似聚訟人人殊古墨在紙不解語枉以拙目徇陋夫文人相輕況已久大家睡寤誰能呼我獨高視覲天奧謂有活相非墟拘有才有力是根氏無神無韻皆枯株猥持此見四十載萬品到眸金入鑪乃逢陸子相視笑微尙近似真吾徒卻嗤覃谿癯樓輩南北者好分燕吳從來論學有坦路何苦分轡尋崎嶇錦官城裏快諏古道旁觀聽皆揶揄作詩記事好藏祕聊與消寒尋酒壺

甲寅臘月十一日大雪爲蜀中僅見酒基後又談說文卽事用坡韻

冬來夜夜浮竹葉直到今朝才賞雪兩年住慣錦官城聞見於

東洲艸堂詩鈔卷十四

二十一

茲詫奇絕老梅乍覲一枝破凍齧何辭兩齧折尊疊促却共談笑鐙燭怯寒互明滅諧語聊同罵燕嬉高談又作魚龍掣都乘狂趣發心藥那覺醉痕生眼纈本來冬味比春濃況有雪光如玉屑主人珍重不忍散冒把佳時付一瞥酒闌碁罷更談菽字猶易解文難說且當晝暇尋溫鑪莫再宵深磨寒鐵

研華居士屢致鐵園居士詩和音不至知其窘矣仍用坡韻解兩家之難

鐵園宣公之後葉少壯才名豔於雪一官磊落蜀西天詩畫書兼狂四絕研華吳中逋窈裔於詩畫理肱九折琴劍翩然萬里游姓名生怕千載滅兩君薜茷相視笑碧海魚龍互騰掣新篇投報無日無我坐旁觀眼生纈日來漸覺越師老小惠投膠真瑣屑吳軍竟長黃池盟勝負何常如一瞥錦城寒甚春欲來雪

後月明妙難說此嬴欲解兩軍圍十指森森凍成鐵

題香光閩游畫卷後陸次山藏

平生藏度多古怪不耆董書憐董畫董書力盡使轉中董畫韻
餘渲拂外鐵園居士夙工此精詣欲兼南北派自從抹煞李將
軍寫偏千山意猶隘低眉乃收畫禪迹典裘甘欠酒家債閩中
山水多勁削與香光筆殊和介鋒稜忽變平時勢始信神通出
狡獪我昔閩游游最狂鼓山宗洞詩墨疥雖無粉本狀幽奇頗
有新詞騁雄快十六年來人事多癭痕忽印錦官廨碁聲乍歇
酒杯嬾消寒又與添詩械安得東南烽火息雙屐從君破煙靄

千秋林敘李將軍次山
西湖畫壁自題句也

